


3

L i  
Carre d  
o d - 15



M. A. M V R E T I

# I V V E N I L I A.

 Elenchum sequens pagella continet.

COMES ALSINOVIS LECTORI,

*Vis, Lector, Tragici sonum cothurni,  
 Vis, Lector, numeros Catilianos,  
 Vis, Lector, nupieros Tibullianos,  
 Vis, Lector, numeros Horatianos?  
 En libro tibi dat Muretus uno.*



P ARISTIS



Ex officina Videlæ Mauricij à Porta in clauso  
 Brunello, ad D. Claudij insigne.

1553.

CVM PRIVILEGIO:

francisci Guenault dicit. Nedici  
 Claudi s. J evir

TRAGOEDIA, IVLIVS CÆSAR.  
ELEGIÆ.  
SATYRÆ DVÆ.  
EPIGRAMMATA.  
EPISTOLÆ TRES.  
ODÆ SEX.

3  
IOANNIS AVRATI  
in M. Antonii Mureti Iuuenilia.

**T**am bona posse putas cuiquam iuuenilia credi?  
Carmina, digna viro, digna, Murete, sene?  
**Q**uae tibi tam tenuis limæ solertia rasit,  
Quam quod Praxiteles vngue poliuit ebur.  
**I**pse suum titulum nimia liber arte refutat,  
Auctorisque annos inficiatur opus.  
**T**u licet affirmes, licet omnia numina iures,  
Contra te facit ars, ingeniumque tuum.  
**D**eme igitur titulum libro, vel deme nitorem:  
Etatem nitidus debet habere liber.

Georgii Buchanani Scoti.

**Q**vanta in magnanimi cōscidit pectore Bruti,  
Propatria virtus cum pia tela daret,  
Tanta animo, Murete, tuo fēse intulit, ore  
Altilquo Bruti dum pia facta canis.  
**E**rgo licet claris raro non inuidia coeptis  
Fortuna AEmathio sparserit ossa solo,  
Ille iterum surgit per te post funera maior,  
Crescit & ingenio laus rediuita tuo,  
Et magis illustri gaudet decorata trophæo,  
Quam si Pyramidum contegat ossa labor.

A. ij.

Ἐις τὴν βίβλον  
Μάρκου Αντωνίου τοῦ Μουρήτου.

Τίς; πόθεν, ὁ Μούρητος, ἔρχῃ νέος ἵταλος;  
Κόσμος ἀοιδοπόλοις, σῆστος ἐνεκ' θύεπίης;  
Ηνὶ μὲν ὅσον μολπάσσεις ἀποστέλλεσθαι ἔρωτα,  
Πάντας παντίστηκεισθόμεναι χαρίτωμι;  
Ηνὶ δὲ ὅσην κυθέρειαν ἀποπνείσθαι ἀοιδαῖ  
Αἰσέο, οικληθμῶν πληρέες ἀβρομελῶν;  
Η φλογὶ σῶρμελέων φλογεράμι χάριν ἴμερος  
Ἴψεμ,  
Η ἕκατηπειτελθέσια ὡπασεμ ἀβροσύνια.

Ια. Αντωνίου Βαΐφιος.  
Τοῦ ἀντροῦ εἰς τὴν ἀυτήν.

Σῶρος, Μούρητος, ἐπέωρη ποσὸν τόσιε; Φράξε λέοντα,  
Οἴος ἔφυ, μεγάλων τῷ μέγαρῳ ἐξ ὄνυχων.

In Marcum Antonium Muretum  
Iani Antonii Baifii.

**S**eu visum est tibi diuis laudes æquasse viroru,.  
Haud pudeat Flacci sic cecinisse lyram:  
Julia sen Tragico defleris funera versu,

*Marce, Sophocleo tu pede dignat onas:  
 Seu fers Margaridem lerido super aethera cantu,  
 Cantas, quo inuidet Lesbia Margaridi.  
 Quis tibi cedet honos pro tali carmine? cingat  
 Lauro, hedera, myrto texta corona caput.*

### Comes Alsinous.

*M*usæ noster amor, meum Muretum,  
*Vestrum & candidum & optimum Mu-*  
*return,*  
*Qui vos vsque adeò canit canendas,*  
*Qui vos vsque adeò colit colendas,*  
*Quo nil cultius, elegantiüs ve,*  
*Quo nil candidius, venustiüs ve,*  
*Seu regum Tragico neces cethurno,*  
*Seu scribat, posita seueritate,*  
*Venustas Veneres, iocos, lepores,*  
*Et molles Elegos decente versu,*  
*Facundo, lerido, aureoque versu:*  
*Musæ, inquam, Aonides meum Muretum,*  
*Vestrum & candidum & optimum Muretum*  
*Vatem dicite, & approbate vatem.*

*In ocio negotium.*

Stephani Iodelli Parisini  
Epigramma.

**Q**Uam Marcus, cæso Cicerone, Antonius urbe  
Læserat, eloquij dum cadit ense pater,  
Infando Marcus leuat hanc Antonius ictu,  
Restituit priscum qui tibi Roma decus.  
Nam quantum linguae debebat Martia Marci  
Roma, tuæ debet, Marce poëta, lyrae.  
Æternum viues igitur, Murete, nec ullus,  
Qui Marcum possit lædere, Marcus erit.

Eiusdem.

**C**Æsar, Amor, tesludo: mouet, delenit, inescat:  
Fletum, elegos, aures: sanguine, melle, sonis.

Iohannis Vermeliani Vßsellici.

**Q**uid decipis nos, aut quid huic Tragœdiæ,  
Murete, nomen, quæso, præponis tuum?  
Quis te, relictis tamdiu poëticis,  
Totum Platoni, totum Aristoteli datum,  
Tam culta credat condidisse carmina?  
Ego hercle vera, quamquam amicus, eloquar.  
Dum tu sophorum scripta voluis pertinax,  
Nec auocari eorum ab amplexu potes,  
Musæ hic vices, Murete, obiuerunt tuas.

MARCI ANTONII MURETI

IN LIBRVM IUVENILIVM AD CLARISSIMUM VIRUM IANVM BRINONEM IN  
SENATU PARISIENSIS CONSILIARIUM REGIUM

7

P R A E F A T I O.

**S**ÆPEN V MEROSUM admiratus, IANE BRINO, vir illustrissime, quo tandem fato contigerit, ut cum è Gallia nostra penè innumerabiles extiterint in omni genere sciétię præstantes viri, poëtarum tamen magna semper à nobis fuerit inopia laboratum. Idque eò admirabilius videri potest, quod quę ad poëtas efficiēdos plurimū valere dicuntur, ingenii bonitas, linguarum peritia, & multarū magnarūque rerū cōprehensa cognitio, ea in perplurimis nostrorum hominum, nihilo ceteris nationibus, ne quid arrogātius dicam, inferiora

A. iij.

reperiri queūt. Neque verò illud dicere possumus, grauiorū artiū scientiæ addictos homines Gallos operā ponere in his leuioris operæ studiis noluisse: eorū enim qui ad versus faciendos animū adiecerunt, quædam propè infinita vis facile nō tā volūtatem eis, quām euentū defuisse declarat. Quòd si id nobis Græco tantum, aut Latino sermone cōtigisset, fortè caussam illius paucitatis in earū linguarū peregrinitatem reiicere liceret: nunc verò cùm idē in eo contigerit, quem à nutricibus, vnā cum ipso, vt dicitur, lacte cōbibimus, aliā omnino caussam necessariò cogimur suspicari. Scio, hoc quod dicturus sum, quantopere nonnullorum animos mordeat: sed tamen & verissimum est, & mehercule iā notius, quām vt negari amplius possit. Qui se ver-

naculo nostro sermone poëtas perhiberi volebāt, perdiu ea scripsere, quæ delectare modò ociosas mulierculas, non etiam eruditōrū hominū studia tenere possent. Primus , vt arbitror,  
**P E T R U S R O N S A R D V S** cùm se eruditissimo viro **I O A N N I A V R A T O** in disciplinam dedisset, eoque duce, veterū vtriusque linguæ poëtarum scripta, multa & diligentí lectione triuisset, transmarinis illis opibus sua scripta exornare aggressus est: cuius postea exemplum insecurti **I. A N T O N I V S B A I F I V S**, **I. B E L L A I V S**, aliique permulti, breui tēpore tantos fecere progressus, vt res vel ad summū peruenisse iam, vel certè haud ita multo pōst peruentura esse videatur. Idem in lingua Latina multū abest , vt dicere liceat: in qua cùm ex veterib⁹ ab **A u s o n i o**, ex recētiorib⁹ à **S a l m o n i o**,

& aliis duobus fortè , aut summùm  
tribus discesseris : vt Græci prouer-  
bio dicunt esse multos quidem qui  
boues stimulent, sed raros aratores :  
ita dicas, licebit, multos quidem esse  
qui versus faciant, sed raros, plané-  
que *euægiθμίλvς* poëtas. De iis loquor,  
qui scripta sua in publicū edidere:  
scio enim & alios esse sat multos, &  
imprimis eū quem supra nominaui,  
Ioannem Auratū , qui vel solus, vel  
præcipuè, si quando sua emiserit, ef-  
fecturus est, ne vltterius suos Iouia-  
nos, Actios, Molsas, Flaminios Ita-  
liæ inuideat Gallia. Cùm igitur, vt  
ad institutum redeam, in tanta inge-  
niorum bonitate, in tanto doctissi-  
morum virorum prouentu, in tanta  
adolescentū poëtices studiosoruū æ-  
mulatione, quasíque riualitate, tan-  
tam poëtarū raritatē animaduerto:

nihil ferè aliud cōminisci possum,  
nisi esse quandā, vt cæterarū rerum,  
ita studiorum quoquc tempestiuata-  
tem : statisque quodammodo cœli  
cōuersionibus fieri, vt modò in hac,  
modò in illa facultate certi homines  
præstantes & egrégii existant. Quod  
si est, bona spes me tenet fore, vt sub  
HENRICO rege Christianissimo, tā-  
quam olim sub Augusto, poëtarū in-  
genia excitentur. At de his quidē sa-  
tis: nunc tépus est, vt de meipso tibi  
dicere aliquid incipiā: qui cùm etiā  
puerulus, & à teneris, vt Græci dicūt,  
vnguiculis admirabili quodā poëti-  
ces amore flagrassem, multa etiam  
penè in omni genere carminis, ve-  
teres, quoad per vires licuerat, imi-  
tatus conscripserā: quorū, paulò grá-  
dior factus, nōnulla tardipedi, vt ait  
Catullus, deo dicarā, nonnulla pro-

ieceram, nōnulla etiam, vt fit, penes  
me retinueram. Ea igitur cūm haud  
ita pridem amicis quibusdam meis,  
quibus ego plurimum in hoc genere  
tribuo, communicassem, non eis so-  
lūm illi calculum suum adiecere, ve-  
rumentiam auctores mihi fuerunt, vt  
edenda eorum saltem aliqua parte  
iudicia hominum experirer. Assen-  
sus sum, vt quod verum est, ingenuè  
fatear, non admodum grauatè: tum  
quòd res non magni periculi vide-  
retur: tum quòd facile confiderem  
fore me, si non, vt ait Horatius, ex-  
tremum primorum, at certè extre-  
mis usque priorem. Subseciuis igi-  
tur horis, aliquod mihi tempuscu-  
lum à philosophiæ, & iuris ciuilis  
prælectionibus, quibus assiduè oc-  
cupatus distineor, ad hęc exscriben-  
da, & in ordinē vtcunque redigenda

sumpsi: nam perpolire & limare accuratius neque magnopere libebat, neque per eas, quas modò dixi, occupationes licebat. Feci autē, quod locupletes interdū œnopolæ solēt, qui multa hospitibus vini genera gustanda proponunt, electuris quod ad palatum maximè fecerit: nam ita & nos multa poëmation genera proposuimus, ut si fortè in aliquo lectoribus fecisset satis, in eo plura porrò emittere pergeremus. Hoc autem quicquid erat libelli, Iuuenilia inscribere placuit, ut si quid fortè interdum lascivius dictum esset, ipsa nos apud seueriores excusaret inscriptio. Ac initio quidem decreueram eum nemini cuiquā dicare, ut qui tanti esse non ducerē: quod consilium cur postea mutauerim, intelliges. Cùm iam in co-

excudendo librarii essent, fortè die quodam accidit, vt ex studiorum laboribus peiusculè me haberem. Venere ad me, pro nostra familiaritate Comes Alsinous, I. Antoni<sup>o</sup> Baïfius, Stephanus Iodellus, vt alloquio suo & partē meæ molestiæ alleuarēt, & paulatim eximerent diē. Ibi multis vltrò citróque habitis verbis, tandem de his etiā nugis iniectus est sermo: primūsq; Baïfius rogauit ex me, ecuinā librū meum dicare meditarer: Tū ego, id quod res erat, nemini. Ibi tum Comes valde hortari me cœpit, tibi vt eū inscriberē: per gratū id tibi, pérque acceptum fore: simūlque natus dicendi cāpum, cùm alia multa de te honorificentissimè commorare cœpit, tum ea quæ tu in Ludoicum Querculum hominē opti-

mum,& doctissimum,institutorem  
olim tuum,benignissimè & fecisti,  
& quotidie facis: quæ et si omnes o-  
ptimè noueramus,nemo tamē erat,  
qui non in Comitis de tua laude di-  
centis oratione libéter acquiesceret.  
Quid quæris?Cum aliquandiu relu-  
ctatus fuisset,veritus ne parum de-  
corum videretur ista tam pusilla in  
tuo tanti viri nomine apparere,ad  
extremum tamē me persuaderi pas-  
sus sum:quod eò dico,vt si fortè mea  
tibi parum probabitur audacia,Co-  
mes ipse mecum culpæ sustineat  
partem. Valde autem te oro,vir il-  
lustrissime,vt dum tibi alia grauiora  
molimur:hoc,qualecunque tandem  
est,æqui bonique cōsulas. Tibi qui-  
dem integrum est, huius vcluti gle-  
bæ apprehensione totum agrum,vti

optimus , maximusque est , si collibuerit , vendicare. Quod ut facias , vehementer te etiam atque etiam rogo. Vale. Lutetiae. 8. Calend. Decemb. 1552.

## PERSONÆ DRAMATIS.


IULIVS CAESAR. M. BRVTVS.

C. CASSIVS. DECIMVS BRVTVS.

CALPVRNIA. NVTRIX.

CHORVS CIVIVM.

ROMANORVM.



M. A. M V R E T I  
IVLIVS CÆSAR.

Actus Primus.

CÆSAR.

 *A M tota penè terra Romanos  
timet,  
Et quā resurgens aureis Phoe-  
bus comis  
Indos propinqua subditos tin-  
git face,  
Et quā cadentes pronus inflectens equos,  
Gratæ sorori cedit alternas vices,  
Patruique lasso stagna crispat lumine.  
Quacunque Nereus margines terræ premit,  
Reges vel ipsi Cæsaris nomen timent.  
Numerent triumphos, cùm volent alijs suos,  
Séque à subactis nominent prouinciis:  
Plus est vocari Cæsarem: quisquis nouos  
Aliunde titulos querit, is iam detrahit.*

B. i.

Numerare ductu vis meo vietas plagas?  
 Percurrito omnes. Ipsa victrix gentium  
 Mihi Roma cessit: Ille tam magnus gener,  
 Ut penè nomen duceret iam impar sibi,  
 Terra marique fusus agnouit meas  
 Præstare vires: quémque noluerat parem,  
 Tulit priorem: Thessali cæde hostium  
 Maduere campi: principum membris canes,  
 Aueisque pastæ: ductor ipse exterritus,  
 Fugare suetus, fugit, & notos petens,  
 Sensit manere raram in ærumnis fidem.

Quid ergo restat, quidue dignum Cæsare  
 Subacta tellus exhibere vltra potest?  
 Cælum petendum est: terra iam vilet mihi.

Supreme rector, qui verendo fulmine,  
 Iratus, orbis vtrunque per terres polum,  
 Si verus esse sanguis Ascanij putor,  
 Generisque nostri tu ipse princeps auctor es,  
 Regni me in aliquam recipito partem tui,  
 Auos ut inter splendidum sidus meos,  
 Matris Diones proximam aspiciam facem.  
 Iam vel mihi, vel patriæ vixi satis:  
 Quid teneor vltra? Iam mihi exactum est, geri  
 Sago, togâque quicquid eximium potest.  
 Hostes perempti, ciuibus leges datæ,  
 Digestus annus, redditus sacris nitor,

*Compostus orbis: cogitari nec queunt  
Maiora cuiquam, nec minora à me geri.*

*Viuam oculos? at id quidem vix vivere est.  
Nec sol quietem, nec bonus princeps capit.  
Cùm vita partes muneris functa est sūi,  
Mors propera nunquam, sera nonnunquam venit.*

*Mihi multa vates dira minitantur quidem,  
Suadentque amicis ut meum stipem latus:  
At enim timere Cæsaris nunquam fuit.  
Igaua mens rebusque non exercita  
Vereatur atræ mortis incertum diem:  
Generosus animus, qui que se nullo videt  
Scelere impiatum, semper est liber metu.*

## C H O R V S.

**S**ors rerum domina omnium  
Non usquam stabili fixa manet pede,  
Sed vultum assidue innouans,  
Incertisque rotans omnia flexibus,  
Alternas variat vices.  
Seu mitis faueat, siue premat nocens,  
Vento mobilior volat.  
Illam si nitida fronte reliquerit  
Abdens lampada Delius,  
Idem flammuomos cùm moderans equos  
Mundo restituet diem,

B. ij.

Sub vultu poterit cernere nubilo,  
 Queis præsens erat, additam.  
 Nec solum exquis rebus inæstuans,  
 Priuatas agitat domos:  
 Ipsis imperiis, dum libuit, nouam  
 Inducit faciem ferox.  
 Hæc regum arbitrio nos voluit regi,  
 Donec Tarquinij furor  
 Commouit proceres, tam rigidum ut semel  
 Ceruice excuterent iugum.  
 Hinc nos cura patrum, curaque Consulum  
 Tutos semper ab exteris,  
 Iam per longa satis tempora præstitit:  
 Non à seditionibus,  
 Quas penè assiduas exitialiter  
 Feruens imperij sitis  
 Nonnullorum animis insita commouet.  
 Hæc Gracchis animos dedit:  
 Hæc Syllas, Mariosque in patriæ luem  
 Armauit. Sed opus quid est  
 Prisca exempla referre? Hæc quoque Cæsarem.  
 Commisit genero: neque  
 Impostus prius est horum odiis modus,  
 Quam Mars sanguine ciuium  
 Campos Pharsalicos vndique tinxerit.  
 Tunc, Pompei, caput in tuum

*Belli terrificus detonuit fragor.  
Nunc Cæsar solius insidens  
Optatis fruitur, proque libidine  
Sonus temperat omnia.  
Sic iam nomine sub nouo,  
Regni forma redit vetus.  
Atque hoc scilicet efficit  
Non usquam stabili fixa manens pede  
Sors rerum domina omnium.*

## Actus Secundus.

M. B R V T V S.

**V**ousque tandem, Brute, Virtutem  
tuam  
Dormire pateris ociosam, degener?  
Quousque differs ciuitate liberam  
Tua videre vindicatam dextera?  
Nihilne te Virtus tuorum commouet,  
Noménque Brutii? nil gementis patriæ,  
Pressæ à tyranno, opémque poscentis tuam  
Conditio dura? nil libelli supplices,  
Queis Brutum abesse ciuitatis vindicem  
Ciues queruntur? hæc parum si te mouent,  
Tua iam, vir ut sis, te satis coniux monet,  
B. iij.

*Fidem crux que tibi obstrinxit suam,  
Testata sic se auunculi prolem tur.*  
*Si ab exequendis te auocat cœptis timor,  
Animusque pigro torpet ignavus gelu,  
Ex fœmina perdisce, quid deceat virum.*

*An verò stirpis auctor, & princeps tuae,  
Dominatione ciuitatem regia  
Quod liberarit, post honores maximos  
Complexus astra est: Seruilius, à quo tua est  
Deducta mater, Melium in causa pari  
Peremit: Vnum exempla te per talia  
Pigebit ire, & gloriam adipisci parem?  
Mucrone salvo, atque artubus adhuc integris,  
Videre Brutus, & pati regem potest?  
Imò audeamus magnum aliquid & nos quoque:  
Mactatus hacce dextera tandem cadat,  
Qui, quandocumque ceciderit, serò cadet.  
Pro patria configere, augurium optimum est.  
Generosiores fræna detrectant equi:  
Nec nisi coacti perferunt tauri iugum:  
Roma patietur, quod recusant belluæ?  
Reges adorent barbaræ gentes suos,  
Non Roma mundi terror, & mundi stupor;  
Viuente Bruto, Roma reges nesciet.  
At verò non rex iste, sed dictator est.  
+ Dum resit vna, quid aliud nomen iuuat?*

*At nomen illud refugit, & oblatas sibi  
 Reicit coronas. fingere hoc, & ludere est:  
 Nam cur Tribunos igitur amouit loco?  
 At mihi & honores, & semel vitam dedit:  
 Plus patria illis omnibus apud me potest.  
 Qui se tyranno in patriam gratum exhibet,  
 Dum vult inepte gratus esse, ingratuus est.  
 O rem pudendam! mollis & vix vir satis,  
 Regit Quirites Martis ortos sanguine,  
 Totumque nutu pathicus orbem temperat.  
 Accingere, & vim, Brute, nunc profer tuam:  
 Accommoda orsis venit implendis dies.  
 Phœbus renascens subditos ciues iugo,  
 Seruósque vidit: liberos videat cadens.*

## C A S S I V S. B R V T V S.

*O cuius alto nixa virtus pectore  
 Sperare Romam sola depresso iubet,  
 Magnanime Brute, Phœbus aurato diem  
 Adduxit ore, tandem optatam mihi,  
 Qua patria nostra libera euadat manu.  
 Ita fausta votis fors meis respondeat,  
 Ut hæc tyranni virulentum sanguinem  
 Haurire dextra gestit & vix se tenet:  
 Utque hæc nihil me cogitantem præter hæc  
 Nox tota vidit: Sic in illum me feram,  
 B. iiiij.*

*Sic inuolabo, sic mucronem pectore  
 Condam scelesto: fors & i psis dentibus,  
 Ceruice dira, noxium abscindam caput,  
 Cruento ut ore, prodiens in publicum,  
 Clamare possum, Roma tandem libera est:  
 Ferus ille animus, & publici inuasor boni,  
 Tenues in auras dissipatus vanuit.*

*Tunc si vel atra morte sit pariter mihi  
 Mutanda vita, letus atque alacer cadam.  
 Bene moritur, qui patriam moriens iuuat.*

*Quid tu? quid alta mente tecum missas?  
 An non eodem prorsus affectu cales?*

*Effare: nam quamuis legi in vultu potest,  
 Orationis sum tamen cupidus tuae.*

*B R V. Quid me plura loqui opus est, Cassi?  
 Num mea tibi constantia nota est?*

*Semel inter nos sterit, aut vitam  
 Pectore fortis simul abiicere,*

*Aut patriam transdere in antiquam  
 Libertatem. semel hoc dictum est.*

*Aut hoc necesse est perfici, aut Brutum mori.*

*C A S S. O Romuleæ gloria gentis,  
 Quam tibi verè rigido incoctum est  
 Pectus honesto! quam tua me animi  
 Oratio securum esse iubet!  
 Unus mihi nunc scrupulus restat,*

*Vnīne opera confodiendum*

*Cum Cæſare ipſo censeas Antonium.*

*B R V. Iam ſæpe dixi id eſſe consilium mihi,  
Saluis perimere ciuibis tyrannida.*

*C A S S. Perimatur ergo ab infimis radicibus  
Ne quando poſthac cæſa rurſum pullulet.*

*B R V. Latet ſub vno tota radix corpore.*

*C A S S. Itan' videtur? amplius nil proloquar.*

*Tibi pareatur: te ſequimur omnes ducem.*

*Vide modò, vt, cum opus erit, adſis. B R V. Videro.*

*C A S S. Ego interim meque & meos parauero.*

### C H O R V S.

*Q Vicunque forti pectore, patriam  
Præferre vitæ non dubitat ſuæ,  
Vt vel per enſes, propter illam,  
Oppositosque feratur ignes:*

*Non ſummus illi rerum opifex Deus  
Pigro reuinxit pectora frigore,  
Sed ſpiritus ceſſit ſuperbos,  
Indomitamque timore mentem:*

*Et bullienti plurima ſanguine  
Cæleſtis auræ ſemina condidit,  
Et dixit, I, plebem prementes  
Contere, nil veritus, tyrannos.*

*Hac arte præſtans Harmodius, ſuos*

*Seruauit, uno nixus amiculo:  
Nunc utriusque excelsa florent  
Nomina non tribuenda seruis.*

*Quos si ociosos tuta sequens timor  
Forte auocasset rebus ab arduis,  
Qui mortuos consumpsit ignis,  
Nomina non minus obruiisset.*

*Caret severus crimine Carnabas,  
Et laude dignus creditur, haud probro,  
Quamvis ferocem cæde dextram  
Tingere nil veritus paterna.*

*Odit tyrannos Iuppiter, & fauet,  
Cum quisquam in illos consilium parat:  
Illösque natis sæpe tradit,  
Coniugibusue suis necandos.*

*O quot, quibusque est plena periculis  
Sors imperantum! præcipue quibus  
Non ciuum concors voluntas,  
Sed regimen peperere vires.*

*Plebem timeto, qui solio insidens,  
Plebi timeris. fons odij timor  
Audere iussit multa multos.  
Sæpe gelu calor excitatur.*

*Rarus tyrannus morte perit sua:  
Illos veneno cauta necat manus,  
Hos plebis iratæ tumultus,*

*Hos rigidus gladio satelles.*

*Multo ille vitam tutius exigit,  
Quicunque paruis prius in ædibus,  
Nullum timens, nulli timendus,  
Pelle sub exigua quiescit.*

### A ctus Tertius.

C A L P V R N I A. N V T R I X.



*Di! molestis tollite omen somniis,  
Nec sinite, quæso, pondus ullum  
tam malis  
Inesse visis. horror artus concutit,  
Corpusque totum frigidus sudor lauat,  
Quoties recordor: mensque nescio quod malum  
Præsagit ipsa. NVT. alamna, quidnam esse hoc  
Mœsto quod ore, & lacrymis manatibus, (putem  
Secreta quæris, tēque nobis subtrahis?  
Quæ caussa fletus? quisue tam subitus dolor  
Turbare mentem tam citiò potuit tuam?  
Potestne flendum quippiam contingere  
Nuptæ viro, qui penè fortunam regit?  
CAL. Dilecta nutrix, quid mihi instet, nescio:  
Sed me misellam mirus inuasit timor. (lim,  
NVT. Coceptus unde? CAL. Nil tibi, vel si ve-*

Celare possum. Visā noctis proximæ  
 Me terruerunt: Victa nam postquam dies  
 Hesterna cessit, nōxque nigro tegmine,  
 Inuoluit omnem cæca telluris globum,  
 Amplexa blandum Cæsaris collum mei,  
 Placida quiete vix resolui cœperam,  
 Cūm mihi repente visus. heu nutrix mea,  
 Retine labantem. NVT. Alumna habeto animis  
 Sopor timores sèpè vanos obiicit. (bonum.  
 Narrare perge cuncta, velut occuperas.  
 CAL. Cæsar meus, nutrix mea, heu, Cæsar meus,  
 Mens ille Cæsar, quo mea innixa est salus,  
 Mibi visus vlnas inter effusus meas,  
 Iacere multo sanguine, & tabo fluens,  
 Multisque plagis pulchra fossus pectora.  
 Tum mihi quietem subitus excusit timor.  
 Misera arctius repente complector virum,  
 Pectusque tento, quæque somnus finxerat,  
 Vix falsa credo: vix habeo manibus fidem.

Heu! quid deorum, talibus visis, mihi  
 Minatur ira, quidue portendit mali?  
 NVT. Omitte questus, néue nondū vrgens malū  
 Celerare perge. Qui malum timet imminens,  
 Geminat timendo. Siue nil instat mali,  
 Fallaxque mentem imago turbauit tuam,  
 Cur vana veros caussa producet metus?

Seu (quod repellant sancta diuum numina)  
 Mutata Romæ fata quid grauius parant,  
 Tamen haud timendum est. Rite conceptis deos  
 Mollire votis, thurâque aris omnibus  
 Adolere præstat. non inexorabilis  
 Mens est deorum: sæpe flectuntur prece.  
 Quanquam equidem, alumna, instare nil existimo:  
 • Sed vana mentes sæpe ludunt somnia.  
 • Quam sæpe inanis est mihi obiectus timor,  
 • Sic somnianti? nulla inest somno fides.  
 Quis tam vel audax, Cæsarem ut petere audeat,  
 Vel tam impius, petere ut velit patriæ patrem?  
 Quotquot vel error, vel voluntas pertinax,  
 Vel inuidia Cæsari inimicarat tuo, .  
 Partim verendus perculit Martis furor,  
 Miranda partum Cæsaris clementia  
 Seruauit, & seruando, amicos reddidit.  
 • An nullus ingenio esse tam immani queat,  
 Debere vitam ut cui suam se intelligat,  
 Illius ipse tentet insidiis caput?  
 O! mitte questus, abiice ex animo metum.  
 Venti leues tua dissipabunt somnia.  
 CAL. Ita di velint. Vt cunque sit, saltem virum  
 Precabor, ut se contineat hodie domi.  
 Vbi quid timetur, cautio nunquam nocet.

## C H O R V S.

**I** Am dies Annæ redit Perenne:

O quot in latis, Tyberine, ripis  
Senties lusus hodie venustos !

Quot puellarum pedibus premēris !

Candidi quot te iuuenes reuisen,

Quot senes ! qui dehinc titubante gressu,  
Saepē siccatis madidi culullis,

Nare de crispa tremulum vibrissent,  
Et vacillantes agitent choreas.

Di ! procul lœnum teneatis omen ,  
Neu mali quicquam finite euenire ,

Quominus vultu populus sereno

Possit antiquos celebrare ritus :

Tuta sed vestro assidue perennet  
Roma fauore .

**N**il in humanis stabile est putandum :  
Saepē securos inimica lusus

Horrido turbat Nemesis flagello ,

Grataque in luctus, gemitusque amaros

Caudia vertit .

Abstine ô densa satà nocte virgo ,

Virgo, quæ voces reprimis superbas ,

Et feris sceptro nimium potenti

Magna locutos .

Romuli te gens colit, & veretur :

*Cur premas, qui te Venerantur, & qui  
Debito addicti tua prosequuntur  
Numina cultu?*

## Actus Quartus.

C A E S A R. C A L P V R N I A. D. B R V T V S.



*E deprecare turpe me fractum metu  
Desistere esset. C A L. tam nihil  
apud te Valent  
Vxoris (eheu!) penè iam exanimis preces?  
C A E S. Quid? somnis me credere tuis postulas?  
C A L. Non, sed timori ut non nihil tribuas meo.  
C A E S. At iste solis nititur somniis timor.  
C A L. Finge esse vanū: tribuito aliquid coniugi.  
C A E S. Etiam petenti, quod decus lēdat meum?  
C A L. Non: sed petenti, quod caput seruet tuum.  
C A E S. Desine timere. C A L. Audere desine tu  
Tuæque si adeò spernis vxoris metum, (prius,  
Mouere vatum oraculis minacibus,  
Periculosa qui tibi hanc lucem admonent.  
Si spectra, si te auspicia, si fibræ monent  
Cauere, & hunc meum timorem comprobant,  
Quid in paratam pertinax mortem ruis?  
C A E S. Quando timorem ponere aliter non potes,  
Ne nos tibi queraris omnino nihil*

*Tribuere, mittatur Senatus in hunc diem.*  
*D. B R V. Magnanime Cæsar, quod tibi verbum*  
*Téne potuisse Barbarorum copias, . . . (excidit?*  
*Nil mente mota, fortiter contemnere,*  
*Non posse nunc temnere mulieris somnia?*  
*Vbi pectoris vis illa præcellens tui est,*  
*Quam sensit olim, quique septeno videt*  
*Nilum per arua profluentem gurgite,*  
*Quique glaciali colla suppositus polo,*  
*Concreta pigro maria sulcat marmore,*  
*Et quos rapaci Rhodanus vnda verberat,*  
*Galli feroce? ô statum deterrimum,*  
*Si Cæsar orbem, Cæsarem mulier regit.*  
*Conscende currus, læta victrix, aureos,*  
*Gemmantibusque peruehitor urbem rotis.*  
*Totius orbis sola domitorem domas.*  
*Veteres triumphos Roma nunc fileat suos,*  
*Et militaris conticescat gloria:*  
*Inuictus armis Cæsar hodie vincitur.*

*Quid, Cæsar, animi patribus credis fore,*  
*Si te iubente conuocatos iusseris*  
*Abire nunc, redire, dum Calpurniæ*  
*Meliora seſe obiecerint insomnia?*  
*Vade potius constanter, & nomen cape*  
*Parthis timendum: aut, hoc minus si te iuuat,*  
*Prodito saltem, at que ipſe patres mittito:*

*Ne negligi se, aut ludibrio haberi putent.*

**C A E.** *Incertus animi, & huc, & illuc distrahor:*

*Qualis per æquor concitum bacchantibus*

*Deprensa ventis fertur incerto ratis*

*Agitata cursu: pellit illinc Africus*

*Creber procellis, Eurus hinc, illinc Notus:*

*Sic me hinc tuæ, Calpurnia, inflectunt preces,*

*Hinc dicta Bruti sed tamen quando semel*

*Vel cadere præstat, quam metu longo premi:*

*Non si trecentis vocibus vatum auocer,*

*Non si ipse voce propria præsens deus*

*Moneat pericli, atque hic manendum suadeat,*

*Me continebo. Desine, vxor, conqueri.*

*Eamus: omnis iacta nobis alea est.*

**C A L.** *Abiit, mea nil dicta moratus.*

*Di, qui Romæ geritis curam,*

*Quo vos fas est cunque vocari*

*Nomine, si vos manibus puris,*

*Menteque casta semper colui,*

*Seruate meo in Cæsare Romam.*

### CHORVS.

**C**reditur vulgus muliebre nunquam

Consilium dare profuturi,

Sed rapi affectu, penitusque sana

Mente carere:

c.i.

*Sed tamen si quis bonus estimator  
Rem putet recta ratione totam,  
Dicet in multis micuisse magnam  
Consilij vim.*

*Ilion nunquam cecidisset olim,  
Imo adhuc arces Priami manerent,  
Si deo plenæ Paris audiisset  
Dicta sororis.*

*Illa, cum læta tumidus rapina  
Raptor ad sedes patrias rediret,  
Dicitur totam, resoluta crines,  
Isse per urbem,  
Clamitans, turpem procul ire mœcham  
Cogite, ô Teucri, gerit illa secum  
Mœnibus vestris, Phrygiæque fata  
Ultima pubi.*

*Cede iam campos video madentes:  
Iam ferox gnatus Thetidos marinæ.  
Hinc, & hinc strages geminat tremenda  
Cuspidi pugnax.*

*Iamque mutato Simois colore  
Inficit ripas, galeisque secum  
Voluit, & fortis madidas iuuentæ  
Sanguine cetras.*

*Ah dolor! sanctas etiámne ad aras,  
Exuis vitam, genitor, senilem?*

*Nec vel Hercæus cohabet furentem  
Iuppiter iram?*

*Hæc, & his multò cecinisse plura  
Dicitur quondam furibunda vates:  
Sed dolor Phœbi yetuit superbos  
Credere Troas.*

*Pertinax quisquis sibi credit vni,  
Cæteros spernens melius monentes,  
Ille, si cœptis pereat sub ipsis,  
Iure peribit.*

### Aetus Quintus.

B R V T V S, & C A S S I V S.

*Pirate ciues : Cæsar imperfectus est,  
Ille, ille Cæsar, patriæ terror suæ,  
Hostis senatus, innocentū carnifex,  
Legum ruina, publici iuris laes,  
Cuius rapinas nuper, & libidines  
Agnouit orbis totus, & perpessus est,  
In curia, quam oppresserat, oppressus iacet.*

*C A S S . En, Roma, gladium adhuc teperentem san-  
En dignitatis vindicem dextram tuæ: (guine:  
Impurus ille, qui furore nefario,  
Rabiéque cæca, te, & tuos vexauerat,*

*C. ij.*

*Hac, hac manu, atque hoc, hocce gladio, quē vides,  
Confauciatus, & omnibus membris lacer,  
Vndam crux, & animam euomuit simul.*

*B R V. Ite, ite ciues, conuolate in curiam:  
Mentem nouo saturate iam spectaculo.*

*Immanis ille latro, qui regnum sua  
Iam spe vorarat, patriæ oppressæ incubans,  
Anima probris plena omnibus spoliatus est.*

*Ite, & cadauer illud obſcœnum feris  
Date laniandum, quò feram abſumant feræ.*

*C A S S. Erymantheum perculerit Alcides aprū,  
Hydrāmque flammis pertinacem extinxerit,  
Lapsūmque cœlo, iterūmque cœlo redditum  
Confecerit leonem: in uno corpore  
Sexcenta nobis monstra debellata sunt.*

*Si strenuis iustus datur factis honos,  
Tua, Brute, fastos ampliabit gloria.*

*B R V. Quicunque mente patriam sœua premit,  
Suōsque ciues subdit, ut seruos, sibi,*

*Dum blandientis iam tenet summum rotæ,  
Ipsoſque penè temnit æqualis deos:*

*Simul atque versus cessat astrorum fauor,  
Et constitutas tempus adduxit vices,*

*Cadit, suōque cæteros casu monet,  
Virtute dempta, ne quid æternum putent.*

*C A S S. Sic, sic tyranni debit as poenas luant,*

*Nunquamque sicca finiant vitam nece.  
Eamus hinc, & editam capitolij  
Scandamus arcem. Roma tandem libera est.*

## C A L P V R N I A. C H' O R V S.

**E** Heu quis aures nuncius tetigit meas,  
Cecidisse dira Cæsarem Brutii manu!  
O somniorum iam nimis veram fidem!  
Sic misera quondam Troici coniux senis,  
Quam somniarat, tulit, & experta est faciem.  
O, quæ dolori verba sufficient meo!  
Dehinc terra, meque miserandam abripe,  
Aut vos nefandi parricide, huc, huc cito  
Venite gressu, quoque ferro coniugem  
Meum necatis, me, me eodem tollite.  
Secunda vestras hostia expecto manus.  
Cupide madentem coniugali sanguine,  
Iugulo mucronem, aut pectore excipiam meo.  
Nondum litasti, Brute, perficito sacrum.  
Nondum peremptus Cæsar est: pars illius  
Maneo superstes. non meus vitam tibi  
Vir denegarat: ne mihi mortem nega.  
Moriar semel, quo definam toties mori.  
At tu doloris turba nostri particeps,  
Dum languidus paulatim animus absimitur,  
Et membra linquens tabida, petit Cæsarem,

C. iij.

*Adiunge mœstam fletibus vocem meis.*

*C H O. AEtheris alti lugeat orbis:*

*Tuque ô radius incincte caput,*

*Volucris splendens arbiter anni,*

*Propera pulchros abdere vultus.*

*Tu quoque falsæ dominator aquæ,*

*Valido terram concute sceptro.*

*Omnia mœrorem patefaciant.*

*Ille subactæ gloria terræ,*

*Nunc repetiti gloria cœli,*

*Vno Cæsar Ioue patre minor*

*Liquit terras.*

*O impuri! ô illaudati!*

*Quorum sacrilega manus potuit*

*Tantum mundi extingueare lumen!*

*Quæ vobis sint supplicia satis?*

*Quis taurus, quæ rota, quis gladius*

*Possit vestrum æquare furorem?*

*Vobis tellus, vobis æther,*

*Vobis deneget vnda quietem,*

*Vos vtrices agitent furiæ:*

*Illa cruentis agitet flagris,*

*Altera tetro coquat igne genas,*

*Tristes alia obiiciat colubras,*

*Quæ se vestro sanguine pascant:*

*Stygia donec sede receptos*

*Laniet rostro vultur adunco,  
Vexet iniquum Æolidae ondus,  
Et supplicij quicquid acerbi  
Sceleratos exagitat manes.  
At tu nostri caussa doloris,  
Multum flete, & multum flende,  
Hos bone planctus accipe, Cæsar.*

## C A E S A R.

*Q*uid cœlum me fletis adiunctum choro?  
Non luridi me stagna Cocytii tenent,  
Sed tempia cœli: non malignæ me furor  
Tetigit cohortis: ipsa iam genitrix manu  
Me collocarat inter astrorum globos:  
Simulacra tantum nuda dilaniata sint:  
Nec ipse cecidi: umbra cecidit tantum mea.  
Desinete fovere: lacrymæ miseros decent:  
Qui me furenti (vera præmoneo, indiges)  
Sunt animo adorti, non inultum illud ferent.  
Haeres meæ virtutis, ut sceptri mei,  
Nepos sororis, arbitratu pro suo  
Pœnas reposcat: ponite modum luctibus.  
Ego ad alta cœli tecta stellantis feror.

## C A L P V R N I A.

*Vnde, quæso, vox ad aures ista peruenit meas?  
En, sonum, marite, dulcem vocis agnosco tuae.  
Non iniqua te peremit parricidarum manus:*


C. iiiij.

- *Viniis, & receptus astris, latus aßides Ioui.*
- *Quoſoles, bonus, fauore perge complecti tuos.*

## C H O R V S.

**S**unt manes aliquid : cūmque diem vltimum  
 Adduxit fera mors, est aliquid tamen,  
 Quod vitat Libitinam,  
 Extructosque fugit rogos.  
 Id si, dum vegetat membra, datum sibi  
 Vitæ curriculum puriter egerit,  
 Nec ſe turpificarit  
 Impuris ſcelerum notis,  
 Mox, vt corporeo carcere liberum eſt,  
 Rurſus fidereas conuolat in domos,  
 Quà Saturnia laete  
 Signauit proprio viam:  
 Atque illīc numero cælicolum additum,  
 Cælesti ambrosiæ gramine vescitur,  
 Et carchesia ſacri  
 Plena nectaris ebit.  
 Haec olim haud dubiè præmia vos manent,  
 Quicunque innocuo pectore ſimplices  
 Virtutemque tenetis,  
 Et canam colitis fidem.

F I N I S.



M. A. M V R E T I  
ELEGIARVM  
*Libellus.*

Elegia Prima.

**N**O N ego Cadmæos meditor  
committere fratres,  
Quorum inimicitias ipsa lo-  
cuta pyra est :  
Non veteris Troiæ lacrymosa  
reponere bella,  
Bella canenda aliis, bella cauenda mihi.  
Hoc aliis per me liceat decurrere campo,  
Illa meis non est versibus apta seges.  
Me Venus, & Veneris certo puer improbus arcu  
Eneruant, numeros attenuantque meos ,  
Nec præter dominae blandum ridentis ocellos  
Carmine me quicquam concelebrare sinunt.  
Forsitan ista senes culpabunt scripta seueri:  
Quid faciam? res est imperiosa decor.  
Quem nō ille hominum, quē non mouet ille deorū ? -

*+ Sæpe etiam cœlo diripit ille Iouem.  
 Me quoque Margaridos decor admirabilis vrit,  
 Et sibi deuinctum magna sonare verat.  
 Nec verò Aonides vestro me excludite cœtu,  
 Siqua ego virginibus non satis apta canam.  
 Nempe etiam è vobis iuuenili capt a decore  
 Oeagro tenerum subdidit vna latus.  
 Si nulla è vobis ullum sensisset amorem,  
 Vnde foret, quæso, dicite, natus Hymen?  
 Sanctus Hymen, qui seductas à matre puellas  
 Abrigit, inque viri collocat ipse finu.  
 At tu, que in me oculis nimiū violentibus vsa,  
 Nunc spolia è nostro sanguine opima refers,  
 Hos numeros hilari (quid enī vetat?) accipe vltu,  
 • Et vide, vt in speculo, quid tua forma queat.*

### Elegia Secunda.

*P*rima meæ quisquis deliramenta iuuentæ,  
 Et specimen tenuis respicis ingenij,  
 Sic tibi, si quid amas, semper contingat amari,  
 Inuidia vacuus, si legis ista, legas:  
 Nec tibi sit duros acuisse in carmina dentes,  
 Carmina quæ propriis scripsit Amor manibus.  
 Seu sunt grata tibi, quafronte placentia culpes?  
 Seu minus, ecquis te cogit, vt illa legas?

Seria si quæris, non sunt h̄c seria, lector:  
 Scribere amatorem seria posse putas?  
 Nos ignes canimus, pueri nos tela volantis,  
 Omine non fausto cognita tela mihi,  
 Et dominam, cuius sub amœna fronte reluent  
 Lumina Sidereis æmula luminibus,  
 Lumina materies ardoris maxima n̄ stri,  
 Lumina, quæ mentem surripuere mihi:  
 Hæc ego sola canam, dum florida ver aget ætas:  
 Sit procul hinc tragicò syrmate Musa tumens.  
 Post, mea cum multi distinguunt tempora cani,  
 Venerit & tremulo curua senecta gradu,  
 Tunc mihi sit curæ solis perdiscere cursum,  
 Anne, & quæ noceant sidera, quæque iuuent,  
 Quot cœlum teneant zonæ, quot partibus orbis  
 Constat, & unde cadat fulmina, cur ve cadant.  
 Utamur, dum fata sinunt, melioribus annis,—  
 Et tota nobis mente colatur Amor:  
 Dum decet & postes nocturna frangere rixa,  
 Nec pudor est vernis frons redimita rosis:  
 Dum decet & mentem leni vincere Lyæo,  
 Et dominæ clausas ante iacere fores.  
 Auferet hæc secum, velut auferit omnia, tempus:  
 Cernis, ut hora, dies, mensis, & annus eunt?  
 Qui modò vagibat, nunc est puer, inde repente  
 De puerō iuuenit, mox vir, & inde sinec.

*Quare florentes, aptosque caloribus annos  
 Quisquis agis, Veneris viue sub impe io,  
 Ne frustra etatis meliori parte rata,  
 Viuere tunc cupias, viuere cum nequeas.*

### Elegia Tertia.

*S*cire cupis, quæ sit voto um summa meorum,  
 Et qua præcipue viuere s' rte velim?  
 Non ego tecta mihi Phrygius innixa columnis,  
 Dinitis aut auri pondera mille petam,  
 Non ab Erythræo repetendas littore conchas,  
 Aut quæ centenus iugera taurus aret,  
 Sed tecum longæ traducere tempora vitæ,  
 Securumque tuo semper amore frui.  
 Tunc ego purpureos possim contemnere reges,  
 Præque mea fors est, dicere, vestra nihil,  
 Si me candidulis incinctum, vita, lacertis  
 In tepido teneas, confoueasque sinu,  
 Me nunc mellitis mulcens sermonibus, & nunc  
 Continuo fixis impete basiolis,  
 Semotum strepitu, dominaque tumultibus urbis,  
 Versantem valido pingua rura boue.  
 Sic tecum, mea lux, vitæ traductus inertit  
 Viuere si possim, nil prius esse putem.  
 Tecum ego per montes, tecum per deuia tesqua,

*Et currā nullo per loca tacita pede:*  
*P* *st,* *vbi currēdo fuerit lassatus vterque,*  
*Fessa in graminea membra reponet humo,*  
*Et ru sum certamen erit linguisque, labrisque,*  
*Quod vel Chaonias vincere possit aues:*  
*S* *n & quiddam post basia multa sequetur,*  
*M* *lto ill s quod sit dulciss & melius.*  
*tunc loculi metuam grauioris amantes.*  
*anda bona sunt rura pudicitiae:*  
*B* *n illuc non sunt populosā theatra,*  
*N* *uid mentes sollicitare potest,*  
*S* *& placido currentes murmure riui,*  
*emulcēnsque rudi carmine pastor oves.*  
*P* *rrō deterior nobis cūm venerit ætas, +*  
*Sparserit & cana tempora nostra niue, +*  
*Tunc curare cutem, genioque litare decebit,*  
*Dum fuerint vitæ stamina rupta meæ: +*  
*Nam mea tu, sed non longum mansura superstes,*  
*In tumulo condes ossa minuta breui:*  
*Deinde vbi te pariter saeva mors impia falce*  
*Læserit, & iuris iusserit esse sui,*  
*Quo nos, te poni tumulo mandabis eodem:*  
*Inscriptum lapidi carmen & istud erit,*  
*Cor fuerat binis vnum, mens vna, viator,*  
*Quorum nunc unus contegit ossa lapis.*

## Elegia Quarta.

V *Irgo oculis ipsis meritò mihi carior, ac non*  
     *Solùm oculis ipsis, quinetiam ipsa anima,*  
 Q *uam nucus morum candor, mēs nescia fraudis,*  
     *Plus quam maiorum stemmata nobilitant,*  
     *Nobilitent licet ipsa, licetque à sanguine claro,*  
     *Et non obscura sit tibi stirpe genus,*  
 Q *uanta, putas, nostram vexarunt tædia mentem,*  
     *Ex quo diuersis cœpimus esse locis?*  
 M *itius hostili ruerent cum pergama dextra,*  
     *Laomedontiadas indoluisse puto:*  
 M *itius Electran, falsas cum tristis ad aures*  
     *Venit Orestæ nuncia fama necis.*  
 S *cilicet haud alius campis errabat Aleis*  
     *Excussus patrio munere Bellerophon.*  
 O *quoties ægro suspiria pectore duxi,*  
     *Atque ignis, dixi, quam procul hinc meus est!*  
 O *quoties quavis libuit mihi morte pacisci,*  
     *Possimus paucos ut simul esse dies!*  
 O *currunt animo ridentia lumina nostro,*  
     *Occurrit fuso blandus in ore lepos:*  
 N *unc molles subeunt risus, nunc gratia fandi,*  
     *Nunc subeunt sciti, sed sine dente, sales,*  
 V *erbâq; amarescunt mihi præ quibus omnia mella.*  
     *Ah! me his tam longùm posse carere bonis!*

Improba, Persephones educta ex carcere Pestis,  
 Vix tua plus vlli, quam mihi, tela nocent:  
 Falx tua non paucos letho multauit amaro,  
 Falx tua corde meo me iubet esse procul.  
 Illis finis adest vita, finisque dolorum,  
 At mea perpetuus pectora langor habet.  
 Hem! nūquāmne ego te post hac, mea cura, reuifam!  
 Nunquāmne os istud suaviloquum aspiciam!  
 Nunquam erit, vt veteri Sol nos de more iocantes  
 Consipiciat surgens, consipiciatque cadens!  
 Certe equidem eueniet. Viden', vt iam fulgure lēno  
 Firmarit nostras Iuppiter ipse preces?  
 Spes fouet in medio iactatos aequore nautas,  
 Spes fouet armatos, spes fouet agricolas,  
 Spes fouet inclusos tenebroso carcere son'es,  
 Et nos in vita spes quoque sola tenet:  
 Hac modō ne quando temerē concepta putetur,  
 Fac, fiat scriptis certior usque tuis.

### Elegia Quinta.

**N**on ego Cumæi peragam si pulueris annos,  
 Vnuere Margaridos liber amore queam:  
 Nec si se lecto Venus offerat aurea nostro,  
 Margaridem Veneri postposuisse velim:  
 Tam mihi confixit iaculo præcordia certo  
 Idalius cornu notus & igne puer.

*Hæc quoque nascenti cecinerunt fata sorores,*  
*Quas Nox antiquo sustulit ex Erebo.*  
*At Paris Oenonen quamuis ardenter amarat,*  
*Sustinuit visa linquere Tyndaride:*  
*Dixerat & Theseus, ego te Minoi relinquam?*  
*Oea sit letho tardior hora meo.*  
*Vix bene vectus erat spumosa ad littora Diæ,*  
*In viduo coniux sola relicta thoro est.*  
*Submergi, dum per Neptunia prata vagatur,*  
*Dignus & iste fuit, dignus & ille fuit,*  
*Qui potuere suos alio transferre calores,*  
*Et vita deservere prius.*  
*Tale ego si faciam facinus, mihi terra dehiscat;*  
*Et rapiar Siculae viuus in antra deæ:*  
*Illic me Tragicæ vexetis Erinnyes, illic*  
*Omnia cunctorum solus acerba feram.*  
*Sed neque tam dubius, neque sum tam fictus amator:*  
*Vna dies vitam finiet, vna fidem.*  
*Quandounque igitur fatalia tempora mensus*  
*Ad vacuas lucis cogar adire domos,*  
*Margaris ipsa mihi natitantes claudat ocellos,*  
*Vitamque ore suo carpat ab ore meo:*  
*Pòst, effusa comas, nostrum float ante sepulcrum,*  
*Serta ferens lacrymis humida facta suis,*  
*Et dicat, Vates nuper Murete fuisti*  
*Non bonus, at certe fidus amator eras.*

## Elegia Sexta.

**M** Argari, quis mihi te reddat deus, aut tibi  
    quis nos,  
Aspectu ut grato possit vterque frui?  
Nec solum aspectu, sed et oscula ferre citato  
    Impete, quæ nullus dinumerare queat:  
Vt colludentes iucundo murmure lingue  
    Committant auidas per patula ora animas.  
Non ita lœta fuit quondam Icarioris, Vlyssem  
    Cùm vidit saluum post duo lustra suum:  
Nec tam iterū accepta Lyrene side latus Achilles,  
    Qua quondam abducta fleuerat ipse diu,  
Quam te conspecta scis me, mea vita, futurum:  
    Quam me conspecto tescio, vita, fore.  
O quam auidè, ô quoties, ô quot, formosa, figuris  
    Isti ori roseo basia pressa darem!  
Non hedera annosas complectitur arctius alnos,  
    Non vlmum vitis pressius vlla tenet.  
Tunc mea turgidulas tractaret dextra papillas,  
    Tractarent auidæ lacætea colla manus.  
Longa vetant, eheu, spatha interiecta viarum,  
    Quæta Hypanin vix sunt inter et Eridanum!  
Nam te Pictonicæ retinent felicia terre  
    Oppida, quæ Clanus pinguis culta secat,  
Me vero inuidiæ procul à te dentibus actum

D. i.

Fortia lunata mœnia Burdigalæ,  
 Pocula quā veteri non inferiora falerno  
 Dicit ab innumeris glarea trita rotis:  
 Et tamen, heu, sine te mihi iam nec dulcia vina,  
 Tristia nec quicquid corda leuare solet:  
 Ipsa mihi est inuisa dies, Sol ipse videtur  
 Opposita vultus abdere nube suos,  
 Et meritò, quid enim sine te nō triste putandum est,  
 Qua sine vel vita est ipsa molesta mihi?  
 O dì, si miseros vestrūm fouet ullus amantes,  
 Vos tandem faciles in mea vota date:  
 Reddite me dominæ, vel si id perfata negatur,  
 Finiat angores nex inopina meos.

### Elegia septima ad P. Cruse- lium Medicum.

**D**VM tu conaris Parcarum extendere fila,  
 Semineces luci restituīsque viros,  
 Conctamata nouam mittens in corpora vitam,  
 Atque Charonta leui currere nauem iubens,  
 Interea quo me, Cruseli docte, putares  
 Ducendos sine te fallere more dies?  
 Scilicet, ut semper, nostros agitamus amores,  
 Quæ vita nobis sola terenda via est:  
 Et modo damnamus, toties quem sensimus, arcum,

*Nunc de crudeli conquerimur domina,  
 Nunc, qua placari possit ratione, rogamus:  
 Omnia quæ quiuis tactus amore soleat.  
 Hæc mea laus, hæc sint famæ præconia nostræ:  
 Non alio ad manes nomine notus eam:  
 Ut quondam iuuenis telo percussus eodem,  
 Quo nos, assidue carmina nostra legat,  
 Agnoscatque suos nostris in versibus ignes,  
 Reddaturque meis cautor ipse malis.*  
Tu cui fatipotens artem concessit Apollo,  
*Morborum pelli qua genus omne queat,  
 Perge salutifera miseris succurrere dextra,  
 Regnique Persephones fac populo sa minus:  
 Ut tibi lœta viro gratetur hospite coniux,  
 Et penè amissi turbam minuta patre:  
 Ut te fama ferat candardibus aurea pennis  
 Hippocrati Coo, Phylliridaque parem.  
 At sine me, qui sum sectando natus Amori,  
 Inter inexhaustas viuere nequitias:  
 Me disperdat Amor, semper me torqueat, inque  
 Corde meo accensas ventilet usque faces:  
 Qui si te pariter certo concusserit arcu,  
 Hei mihi, quot curas perpetuere miser!  
 Tunc tandem disces, quid sit serui re puellis,  
 Tunc tandem, excludi quid sit, amice scies.  
 Nil tibi multiplices cognoscere proderit herbas,*

D. ij.

Hunc etenim morbum pharmaca nulla iuuant.  
Quippe etiam Phœbum Virgo Peneia torsit,  
Profuit auctori nec medicina suo.  
O quam fæpe mihi, mallem carissime, dices,  
In gelidis Scythia montibus esse lapis.  
Hæc te, & plura manent: sed quæ tua cunque fu-  
Ingenio saltem digna sit illa tuo. (tura est,

### Elegia Octaua.

**B**Asiolum blando tetulit mihi Margaris ore,  
Ambrosia, & dulci nectare dulce magis,  
Quale thymo aut casiae, verni sub primula Solis  
Lumina, cum blando murmure libat apis:  
Inde fugit properè pedibus lasciuia proteruis,  
Dum se in tenebris posse latere putat:  
Sed nihil est: non siuit eam latuisse Cupido:  
Erranti faculas pretulit ille mihi.  
Iam te igitur rursus teneo formosula, iam te  
(Quid trepidas?) teneo: iam, rosa, te teneo.  
Da mihi pro grata sumptu mercede laboris  
Ter tria, terque tribus basia ducta modis.  
Dic age, num sentis animos concurrere nostros,  
Dum sibi dimidium querit uterque sui?  
Sic age, sic mea vita, animos iungamus utrinque,  
Nulla ut eos possit dissociare dies,

*Quin tandem ambiguæ post iura precaria lucis  
Vnicus è gemino spiritus ore fluat.*

### Elegia Nona.

**M** Argari, flammeolis quæ me cōburis ocellis,  
Per quos in cineres, hei mihi, viuus eo,  
Dic mihi, quî facias tam multa incendia, cùm sis  
Candidior prima frigidiorque niue:  
Nanque ea quæ molles exest mihi flāma medullas,  
A te, si qua fides, non aliunde venit:  
Tu tamen, heu, tanquam glacie circundata pectus,  
Edurè nostras respuis usque preces.  
Esse quid hoc dicam? neque enim potis est in eodem  
Cum summo summus frigore inesse calor.  
Scilicet & quæ nos fieri non posse putamus,  
Cùm libet, & quoties, perficit vñus Amor.  
Is tibi cor misto circundedit igne gelique,  
Quæ possent ferri singula, iuncta necant.  
O igitur glacies quo quis ardenter igni,  
O ignis quo quis frigidior glacie,  
Aut ne me perdant tua frigora, mitius ure:  
Aut ne flamma, gelu proice, Diua, tuum.


Elegia decima ad F. Verum  
Lomenium.

**H**EI mihi, cur genio vis me pugnare, Lomeni,  
Naturæque iubes vertere iura meæ?  
Cūr ve parum gratas impellis durus ad artes,  
Musica cui solum sacra placere vides?  
Nam nec agris miles fieri, nec idoneus armis,  
Cui semel arrisit rustica vita, potest,  
Nec si quem placido nascentem lumine Clio  
Viderit, admota contigeritque manu,  
Aut bonus hostiles vñquam foedare cateruas,  
Aut ad sœna fori iurgia promptus erit:  
Omnia sed fugiens tranquillæ inimica quieti  
Exiget ætatis mollia fila sœæ,  
Magnarum securus opum, securus honorum,  
Omnia despiciens, quæ leue vulgus amat:  
Ille etiam summos audax contemnere reges,  
Præg sua miseros conditione putans.  
Castræ iuuent alios, bellique inamabile murmur,  
Missaque non siccæ corpora multa neci,  
Quis rapiat primæ teneros lanuginis annos,  
Acceleretque suum Parca seuera diem:  
Gaudeat hic miseros inter clamare clientes,  
Et pauidos duro terreat ore reos:  
Hic adeat terras alio sub sole calentes,

*Littorāque instrūcta plurima classe legat,*  
*Seu ferat Herculeas animus spectare columnas,*  
*Seu ferat annosos ire ad Hyperboreos,*  
*Durus, qui fragili vitam committere ligno*  
*Audet, & ignotas aequoris ire vias,*  
*Nec timet inuerso decumanos marmore fluctus,*  
*Securūsque animi squamea monstra videt.*  
*Non sicut iuini mitissima pectora vates,*  
*Æthereo quorum flamine corda calent:*  
*Ocia sectantur sedenim, tacitosque recessus,*  
*Et sua neglectis urbibus arua colunt,*  
*Splendidāque & multo spectanda palatia luxu*  
*Contemnunt, humiles anteferuntque casas:*  
*Ilic & siccant generoso plena Lyæo*  
*Pocula Bistonia frigidiora niue,*  
*Et si nescio quid seu vultu ancilla sereno,*  
*Seu non informis villica pollicita est,*  
*Protinus ut capta reduces ex urbe triumphant:*  
*O hominum felix terque quaterque genus!*  
*Sic ego sim: liceatque mihi, mea Margari, tecum*  
*Non alia vitam ducere sorte meam.*  
*At tu, quantum in te est, aliò nos ducere tentas,*  
*Astreæque sequi numina, Vere, iubes:*  
*Et, quid, ais, quæso, molli tibi carmine quondam*  
*Proderit aut homines, aut cecinisse deos?*  
*Scilicet ut toti fueris cum fabula vulgo,*  
*D. iiiij.*

*Cumque erit in vultu plurima ruga tua,  
 Fortiter esurias, vt te mala cogat egestas  
 Multa pati forti non patienda viro,  
 Sectari mensas, blandè appellare potentes,  
 Tollerere mentitis laudibus astra super.  
 Quod nisi desiperes, poteras in luce forensi  
 Versari, & laudem querere, opesque tibi.  
 Excute decepta blandum de mente furorem,  
 Qui tibi, ni caueas, perniciosus erit.  
 Aduertit tardas qui recta monentibus aures,  
 Exitium demens fabricat ipse sibi.  
 Ergo ego vt hirsuti verbosa volumina Baldi,  
 Ut discam leges Iustiniane tuas,  
 Dediscam teneri modulamina blanda Properti,  
 Dediscam numeros culte Tibulle tuos ?  
 Ah peream prius, & saeo me fulmine tactum  
 Trudat in obscuras Iuppiter ipse domos.  
 Quam melius dulces dominæ in cōplexibus annos  
 Ponere, & in caro sœpe iacere sinu !  
 Differeam, si quicquid opum, si quicquid hono-  
 rum est,  
 A genere hoc vita me reuocare potest.*

F I N I S.



M. A. M V R E T I  
AD PETRVM RVFVM

*Druydam Consiliarum Regium  
Satyrarum Libellus.*

Satyra Prima.

A M D V D V M tumido  
mihi bilis in hepate feruet,  
Et rumpi metuo, nisi te, Au-  
runcane, secutus,  
Inficiam tenues mordaci car-  
mine chartas.

Tune ausis satyram conscribere, tot tibi rerum  
Conscius, ut satyræ possis satis esse vel vñus?

Quidni autem? nunquid par est audacia Balbo,  
Balbo, Stentorea Christum qui voce professus,  
Deinde domi cauet, tremulùm crissante Lycinna?  
Et tamen hunc toruis oculis, & fronte seuera,  
Flammatisque genis, atque horrifico ululatu,  
Dum docet, & iactat fatuæ sua dogmata turbæ,  
In mores clamare malos si videris olim,

*Esse putas supero demissum ex limine Paulum.*

*O mihi si effossa liceat scrobe dicere, quod mox  
Efferat in vulgum foliis vocalibus arbor,  
Quæna ego, vel potius quæ non ego crimina dicā,  
Concitus? optari sedenim quia talia possunt,  
Non etiam fieri dicam tibi Rufe, sed vni  
(Σοι δὲ ἐντάλευε, οὐδὲν ἄρδεντα licebit)  
Quæ mihi siue furor, si ue hæc sug gesseritira  
Nā quis enim est adeò patiēs (nisi forte Torannus  
Deprensis solitus blandiri in coniuge mœchis,  
Et piperis multo saturas offerre placentas,  
Dum refugit rixas, vitandaque iurgia censet)  
Quisnam inquā est usquā, qui si sœcli semel huius  
Viuidius paulò faciem consideret, ira  
Abstineat? cum iam oppresso virtutis honore,  
Regnet in humanis vitiorum infamia rebus.*

*Improba quos ludi fecit fortuna choragos,  
Visceribus reliquorum, & sanguine plebis aluntur:  
Præficiuntque suis sœui rationibus, haud quos  
Longa fides vitæ, vel constans fama probarit,  
Verum aquilas, & vulturios, qui rodere norint  
Ad viuum, atque unum ex membris augere liene.*

*Ringitur interea populus miser, & prece multa,  
Ne quicquam surdas diuorum verberat aures.*

*Audisne hæc inquā magni pater Herculis? audis?  
Audisne, an dormis, an nectaris ebrius haustu,*

*Exerces positis genialia tempora curis?*

*Non aliter nostri. Similes fortasse tueris.*

*Hæc aliquis, sacro cernens qui sulphure quercus  
Nil meritas, non monstra illa exitiosa feriri,  
In rabiem versus, furiisque agitatus amaris,  
Insequitur veteris non sanum dogma Lucreti.  
Sic alia ex aliis incommoda. Quomodo enim plebs  
Ipſa colat diuos, cum vos, qui fulmine bruto  
Stringitis in vestras ausos mutire tiaras,  
Conficiat diuis ipsi⁹, oppedere Christo?*

*Anne libet mecum rationum euoluere libros?  
Centum lœnoni septertia, mille Corinnae.*

*Hui! mille infami scortillo? desine: pulchra est,  
Et bene sub domino lumbos vibrare perita:  
Quinetiam fessus si quando elanguit, ipſa  
Insilit, & blandè super illum palpitat: id tu  
Quanti esse, aut potius quanti non esse putabis?*

*Perge age. In accipitres triginta expensa, canes-  
(Hos domini potius pasci decuisset o maso) (que:  
Eripuit fallax plus millibus alea binis:  
Vnguenta, exoticique tulerunt cætera odores,  
Fartoresque, coquique, & rari opsonia luxus.*

*Interea quantū in viduas, quantū in peregrinos?  
Quotnā inopes pauit dominiquadra? quot studiosos?  
Inscius est morum, quisquis nunc talia querit.  
Hæc fuerant sub rege Numa, sub consule Bruto.*

*Nunc alia est ætas. Nugalibus hisce relictis,  
 Curant magnanimi ventrem, caudamque nepotes.  
 Nec gratus quisquam est, nisi cui perficta pudore  
 Frons omnem abstulerit, sic ut probet omnia, sitq;  
 Et bene ructanti post coenam applaudere porco,  
 Et bene pedenti blandum arridere paratus.*

*Sed satis est. Si forte furor Phœbeius olim  
 Mentem, Rufe, meam simili concusserit œstro,  
 Bilem aliis, vni risum tibi, Rufe, mouebo.*

## M. A. M V R E T I A D D A N I E L E M S C H L E I C H E.

*rum Vlmensem adolescentem omnibus  
 & fortunæ, & corporis, & animi  
 bonis cumulatissimum*

### Satyra Secunda.

**R**VMPE *Lycambæa numeros de-  
 cæde madentes  
 Musa ferox, rabiéque noua flam-  
 mata malignos  
 Fige hominum mores, damnataque secula culpa.  
 At tua quis poterit patienti voluere vultu  
 Scripta? quotus tandem feret hæc conuicia lector?*

*Men' curare putas, mea quis laudet ve, legat ve,  
Rideat aut damnet? quasi sint haec iusta laboris  
Præmia, post centum vigilas ordine noctes,  
Et penè erosos repetitis morsibus vngues,  
Insani & semper deterrima quæque probantis  
Plus aliis populi suffragia cæca tulisse.*

*Tu modo quem nondum secli contagio vertit,  
Tu legit o haec, DANIEL, primæj, à flore iuuentæ  
Disce quo humana lateant sub imagine pestes.*

*Hunc cine tu cui lœna humeros Hyacinthina velat,  
Lucentem hinc illinc auro, gemmisque superbum,  
Vinosafacie, vaste qui pondere ventris  
Sudantis mulcedentia terga fatigat,  
Aspicis? hic primo abiecta de stirpe creatus,  
Vilisque, ignotusque, & terræ denique proles,  
Non aut virtute, ingenuis aut artibus illas  
Ipse sua ex aequo cum mula nouit)at astu  
Sensim subducens fatuis fundosque, larosque,  
Tandem huc peruenit: rabidi nunc more leonis  
Ventre adipe insontū & miserorū sanguine farcit.*

*Aspice & hunc qui diducto, ceu simia, rictu  
Putris gingiuæ viduata sedilia pandit.*

*Quotidie hunc videas nitidi sub primula solis  
Lumina, cum trepidus postico limine furtim  
Emittit tota vexatam nocte sacerdos,  
Repere paulatim per delubra omnia, & illic*

*Obstipo capite, & trepidantibus vsque labellis  
 Nunc has, nunc illas prouolui cernuum ad aras.  
 Hinc rediens non ille inopes fraudare recuset,  
 Non delatori periuria vendere Credo,  
 Non facere omnia, quæ vel dicere vix sit honestū.  
 Vim putat hanc demens esse in lustralibus vndis,  
 Perque globos precibus distracta mente volutis,  
 Ut si vel cani iugulum patris ense resoluat,  
 Dummodo mortales oculos effugerit, ipse  
 Conscia securus contemnere numina poscit.*

*O simulatores, teturum pecus, ut mihi sæpe  
 Bile iecur vitrea diffunditur ista tuenti!*

*Creditis esse deum cœlo qui talia curet?  
 Exprimite hoc factis. non creditis? abiuite ergo  
 Hunc fucū, & vultu ruite in scelus omne reiecto.  
 Hoc ego laruarum genus exitialiter odi.*

*Sed quid ego enumerās nequicquā singula conor?  
 Res caret illa modo: genera ipsa euoluere longū est.  
 Stupra, doli, fraudes, periuria, furtæ, rapinæ,  
 Crimina erant olim: nostro sunt tempore lusus,  
 Quos pueri teneris meditantur ab vnguis, &  
 Ipse docet natos genitor, matérque puellas. (quos  
 Venimus ad summum: ruptis & prorsus habenis  
 Oppressa rerum potitur virtute libido.*



M. A. M V R E T I  
EPIGRAMMATA.

DIVO IVLIO CAESARI SCALI-  
GERO PATRI MEO.

*N*renues numeros, primi mo-  
numenta furoris,  
*Quo* mea non simplex corda  
subegit Amor,  
*Dirige* siderei radiantia lumi-  
na vultus  
Cæsar, & hæc nati ludicra nosce tui.  
*Neu* pigrat studiis aliquot grauioribus horas  
Subtrahere: interdum deserere illa leue est.  
*N*epe ducū haud quisquā, licet imperterrita gestet  
Corda ferox, gladios semper & arma terit.  
*Qui* populos iussisque regunt, nutuque coercent,  
Et retinent forti regia sceptr'a manu.  
*Non* renuunt animos rerum moderamine pressos  
Interdum teneris exhilarare iocis:  
*Sæpe* etiam vasti mens vnica Iuppiter orbis  
Flectere se à magnis ad leniora solet.

*Insequere exemplū regūmque, ducūmque, Deīque,  
Dux olim, & princeps: nunc mihi penē Deus.*

### Antonio Goueano.

**S**Vmme poëtarū, quos secula nostratulerunt:  
Cui sacra Castalij fluminis vnda subest,  
Accipe non tetrica iuuenilia carmina fronte,  
Ad domino limam iussa subire tuam,  
Vt tibi si (quod vix ausim sperare) probentur,  
Olim se lucem posse videre putent:  
Sin minus, æterna damnentur Vt omnia nocte,  
Aspectu tanti facta beata viri.

### Ad Noctem, Sidera, & Auroram de Dominæ pulchritudine.

**N**Ox furua, atque alis horrenda nigrantibus,  
& vos  
Fixa meæ vultu sèpius astra deæ,  
Audite hæc: tu primum Erebi centumplicis vxor,  
Quæ veniens uno cuncta colore notas.  
Non pudor est, vbi flammeolo te Margaris ore  
Pellit, & inuitum cogit adesse diem?  
Vos quoque lucentes AEthræ radiantis ocelli,  
Quorum alta assiduo templaque canore sonant,

Non pudor est, oculis ubi scintillantibus illa  
 Cedere tot vestras lampadas una iubet?  
 Et tu Dardanij coniux formosa mariti,  
 Tangere sol cuius nil nisi terga potest,  
 Nunquid ubi aspecti, quam te procul illa relin-  
 Natius roseo crescit in ore rubor? (quat,  
 Non, puto: quin illi vltro omnes conceditis, in qua  
 Miratur vires Iuppiter ipse suas.

## Ventis furentibus.

**A**E Olidae celeres, dominæ tunonis alumni,  
 Cærula veluoli quos timet vnda ma-  
 Altifremi, alipedes, cæli, terræq; tetrarchæ, (ris,  
 Dirigite in pectus flamina vestra meum:  
 Ut mea vel vestro pereant incendia flatu,  
 Vel me etiam vestris viribus aucta necent.

## Ad animum suum.

**Q**uonam abiit mihi animus? num quo solet?  
 auguror illuc:  
 Pectore se dominæ condidit ille meæ.  
 Siccine me tandem miserum, fugitiue, relinquisti?  
 Siccine, desertor, castra inimica petisti?  
 O saltem flammata tuo vel ab igne calefacat,  
 Frigore vel flamas enecet ipsa tuas.

E. i.

## Margaridi.

**D**icere dum conor nostros tibi, vita, dolores,  
*Ah misero ex ipsis verba labris abeunt.*  
 Dum tegere, & clauso meditor sub corde tenere,  
*Ingeminat vires abdita flamma suas.*  
 Quid faciam? ex aequo magnum discriminem vtrin-  
*Sive loqui coner, sive tacere velim. (que est:*  
 O quæ sola meo iamdudum in pectore regnas,  
*Tute tibi casus, Diua, referto meos.*

## Somnium.

**E**vge, an te teneo, mea lux, an somnia demens  
*Fingo mihi? certè, lux mea, te teneo.*  
 Somnia non hæc sunt. oculis nónne intuor hisce  
*Flammeolosque oculos, purpureasque genas,*  
*Lacteolasque manus, & eburnæ frontis honorem,*  
*Collaque non tacta candidiora niue?*,  
*Dulcia collatis ineamus prælia signis,*  
*Dum tuta alternis lusibus hora datur.*  
*Me miserum! nusquam es. fallax me lusit imago.*  
 • *O dolor! ô animi gaudia vana mei!*  
*Quid queror? exacta si rem ratione putemus,*  
*Vmbra est in misero quicquid amore boni est.*

## Margaridi.

**D**um te, Margari, basiare conor,  
*Labris protinus inuident ocelli,*  
*Asperetique tui carere nolunt.*  
*Quod si contuitu beare ocellos*  
*Tentarim, labra protinus repugnant;*  
*Quae ad se se iste tuus vocat, trahitque*  
*Candor purpureo natans in ore,*  
*Vt ferrum Herculeus trahit lapillus.*  
*O vis eximiae superba formae,*  
*Quae me vel mihi dissidere cogit.*

Eidem.

**S**ic age, pugnando teneri pascuntur amores;  
*Inuade insanis vnguis ora mihi:*  
*Et turba nostros, audax, lacerique capillos,*  
*Atque interiecta gaudia veste nega.*  
*Illa etenim o quanto magis est perfecta voluptas,*  
*Quae cupiente quidem, sed renuente venit!*

Eidem.

**L**udamus, mea Margari, et iocemur:  
*Nos et cum roseum diem reducet,*  
*E. ij.*

*Et cùm se Hesperis recondet vndis  
 Deprendat radiatus ora Phœbus  
 Ludentes simul, & simul iocantes.  
 Appellabo ego te meam columbam,  
 Tu me, blandula, passerem vocabis.  
 Cum dicam tibi percitus furore,  
 Da mî basiolum vnicum columba:  
 Tu collo iniiciens meo lacertos,  
 Porges mî oscula delicata mille,  
 Et mille altera, & altera usque mille,  
 Vibrans improbulam subinde linguam, &  
 Osmoru tenero meum lacefens.*

*Dehinc dices mihi, mi tenelle passer,  
 An non ipsa tibi una sum columba?  
 Tua una ex animo columbulilla?  
 Tuum mel, tua suauitas, tuum cor?  
 En me (nam tua sum) suauiare,  
 En hæc ubera iam reiecta cerne,  
 Quæ per te mihi primulùm tumescunt,  
 Obiectam & sibi fasciam repellunt.  
 Quò tu, quò modò, delicate, pergis?  
 Quò trudis digitos nimis salaces?  
 Sic nos, sic age, dum viremus ambo,  
 Dum res ad Veneris valemus ambo,  
 Ne frustra melior teratur ætas,  
 Ludamus mea Margari, & iocemur.*

*Tergo debilis imminet senectus,  
Quæcum Venerit, ah dolor, columba,  
Nos tuſis mala, viriumque langor  
Pro ludisque iocisque consequentur.*

## Ad Paulam.

**B** *Asia quod libas cupidis luctantia linguis;  
Res satis ardori non facit ista meo.  
Quod mea colla tenens blandis, resupina, lacertis,  
Me dicas vitam, deliciásque tuas,  
Hoc nihil est. Dulci Veneris de nectare, Paula,  
Aut nulla, aut quinta da mihi parte frui.*

Ab amica procul positus, ob  
idque noctu quiescere non  
valens, mortem precatur.

**I** *Am tacitis cælo voluuntur tractibus ignes,  
Altaque rorantes Delia flectit equos.  
Iam pecudumque, atque alituum genus omne, fe-  
rarumque,  
Et quotquot liquido marmore monstras silent,  
Somnus habet, dubioque natans per inane volatu,  
Membra papauereis illinit vnguinibus.  
E ij.*

*Tesolum, Murete, fugit: tibi cura recursans  
 Ire iubet lento tempora mœsta gradu  
 O cœlum! ô certis agitati legibus orbes,  
 Cuilibet ex ortu qui sua fata datis!  
 Extinctum roties sit fas occumbere. Iam sum  
 Non ego, sed tantum corporis vmbra mei.*

### In Venerem.

*S I Venus, vt mendax docuerunt turba, Poëta,  
 De mediis verè nata putatur aquis,  
 Qui fieri potis est, mediis vt fluctibus orta  
 Assiduo nostrum torreat igne iecur?  
 O dolor! ô quid iam miseri speretis amantes!  
 E media vobis nascitur ignis aqua.*

### Ad Margarin.

*Q Vem tu cūque semel blando aspectaris ocello,  
 Ni subita exiliat lætitia, lapis est.  
 Cui verò hæc etiam dederis libanda labella,  
 Hunc ego felicem téisque quaterque voco.  
 At si quem complexa tuo dignare cubili,  
 Is non iam felix, Margari, sed deus est.*

## Lusus cum amica.

**P** Ande oculos, pande stellatae frontis honorem,  
 Queis doleat visis, inuideatque Venus.  
 Pande agedū lasciva. quid, ô, quidnā oculis illud,  
 Quo mea versantur corda, supercilium?  
 Saltem ebur hoc manuum interea spectare licebit:  
 Ah etiāmne manus? sœua, etiāmne manus?  
 En, iam igitur posthac nihil amplius ipse videbo:  
 Claudio etiam ipse meos, en tibi, claudio meos.  
 Iam formose dies, iam lux formosa valeto:  
 Nam vos, nec dominam cernere supplicium est.  
 Audiit, inque sinum iecit mea Diua meum se,  
 Reclusitque oculos applicito ore meos.

## Eidem.

**C** V' m pluit, & radios Phœbus cùm subtrahit  
 Tū sanè mæstus quilibet esse solet: (orbi,  
 Ne mirere igitur, si sim, mea Margari, tristis:  
 Ecce pluo lacrymas, tu mihi Phœbus abes.

## Ad Gallam.

**N** Oui pro verbis ego sola rependere verba,  
 Et pro blanditiis reddere blanditias.  
 Oscula siqua dabit, sola auferet oscula de me:  
 E. iiiij.

*Pro solis nutus nutibus eripiet.*

*Hæc aliquid præter tibi me si vis dare, fas est*

*Hæc aliquid præter, te mihi, Galla, dare,*

## Iulio Cæsari Scaligero.

**S**Caliger Aoniæ decus immortale cohortis,  
*Qui, quæ alios ornant singula, solus habes,*  
*Altera Veronæ, maior sed fama priori,*  
*Cui Clarij munus cessit utrumque dei,*  
*Cui tot sè debent animarum millia, per quem*  
*Sæpius est Stygij cymba quieta senis,*  
*Quod tantum augusta de maiestate remisti,*  
*Vt placido versus videris ore meos,*  
*Præmia quæ tandem tibi digna reponere possim⁹*  
*Deuoueam si me, vix satis esse putem.*  
*Tûne meos versus voce vt laudaueris illa,*  
*Quam stupet, & qua nil grandius orbis habet?*  
*Præmia quænam igitur reddâ tibi digna? sed erro:*  
*Præmia non debent reddier villa deis.*  
*Anne tuas igitur describam carmine laudes?*  
*(Laudari humana numina voce volunt)*  
*Deficient humeri tanto sub pondere, nec iam*  
*Tuta erit in tanto nostra carina mari.*  
*Quidnam igitur? taceo. satis hunc dixisse putan-*  
*Se quicunque satis dicere posse negat. (dum est,*

## In eundem.

**D**ic dea, quod possum scripturus fingere nomine,  
Scaligeri quod par laudibus esse queat?  
Cur petis imprudens, quod habes? dic, Scaliger: illud  
Omnia virtutum nomina nomen habet.

## In eundem.

**D**icite mihi Musæ, cultissima numina nobis,  
Quonam Scaligeri pascitis ora cibo?  
Sic ego, sic Musæ: quam te sententia fallit!  
Nectar quo potius nos alat ipse, roga.

## Ad Phyllidem.

**C**um ducenda mihi sine te sunt tempora, Phylli,  
Longior est anno mensis, & hora die.  
At tecum si quando datur mihi viuere, rursus  
Esse diem credo, qui modo mensis erat.  
Te sine vel Tauri cum lustrat cornua Titan,  
Semper adesse mihi moesta videtur hyems.  
At tecum medio gelidae sub tempore brumæ,  
Ire tamen veris tempora læta puto.  
Te sine nox mihi fit, medio cù Phœbus in axe est:  
At tecum in media fit mihi nocte dies.

*Quantum in me miserum iuris tibi fata dedere!  
Quæ mihi vel cœli vertere iura potes.*

### In Carolum Caliantheum.

**P**Hilosophum te dicis, & hoc te nomine iactas,  
*Præ te omnes reliquos ut nihil esse putas:*  
*Nec tamen autrerum causas & pondera nosti,*  
*Aut aliud, nomen quo mereare sophi.*  
*Vna tuis titulis addenda est litera, Carle:*  
*Nec mihi philosophus, sed philosomphus eris.*

Rodolpho Condomio, à quo ad  
 cœnam inuitatus fuerat.

**A**D cœnam tibi me quoniam condicere cogis,  
*(Si modò quis cogi, quò cupid ipse, potest)*  
*Accipier qua me cupiam ratione, Rodolphe,*  
*Cognosce, & cœnæ quid caput esse putem.*  
*Non me præcipue vel auis Iunonia ducit,*  
*Vel quæ de Scythico flumine nomen habet.*  
*Ista decent reges: nobis coenantibus vna,*  
*Sustineat parcas sobria mensa dapes.*  
*Sit vini tibi cura prior: nisi nobile vinum est,*  
*Et iocus à mensis, & lepor omnis abest.*  
*Tunc cibus inuito lentescens crescit in ore,*

*Et leuius ferre est, quam recreare sitim.  
Sin contrà adfuerit generosi copia Bacchi,  
Vix capit vndantes vel domus ipsa iocos:  
Tunc & coniuiae per mutua pocula certant:  
Hic annos dominæ condit, at ille suos:  
Et veteres memorant flamas, & carmina dicunt,  
Et laudant cœnae concelebrantque patrem.  
Quare agedū memori primū hoc sub mente teneto:  
Si tibi cura mei, sit tibi cura meri.*

### In Lygdum.

*I*n pœnæ Lygdus teneris dum discit ab annis,  
Est simul & Chiron factus, & Eurytion.

### In eundem.

*L*ygdus blandulus est, venustulusque,  
Formosusque supra modum, & benignus  
Non æris modò, sed sui & suorum:  
His multos parat artibus sodales.  
Num est quod nequit approbare multis  
Nasutis nimium, dicacibusque,  
Mureto, Crucioque, Memmióque,  
Quod se frugibus unicus repertis,  
Multapascere glande perseuerat.

## De Porna ad L. Memmium.

**P**Orna suis tantum, Memmi, substernit amicis:  
Verum: at nulli vñquā Porna inimica fuit.

In eandem, quæ se etiam famulis  
subigendam præbebat, cùm ta-  
men mirè arrogans esset.

**Q**VAM malus est, quisquis dicit te, Porna, su-  
perbam!

Quid? tu te pueris subiicis ipsa tuis.

F. Grato Lomenio.

**D**Icere te tactum nullius amore puellæ,  
Lasciuique soles spernere tela dei.

Quid sibi, Grate, volunt igitur, quæ sàpe notaui,  
Tot data ab arguto signa supercilios?

Quid risus, quid verba, manusque oculique lo-  
Et quæ summoto basia teste capis? (quaces,  
Fingo, inquis. Cælare tuum cur niteris ignem?

Quisquis tam belle talia fingit, amat.

Gulielmo Mombasio Episcopo  
Lectorensi.

**Q**UOD tam censeris generoso sanguine, Præfūl,  
Quodque es tā multis clarus imaginibus,

Illa quidem certè laus est non infima, sed quæ  
Tota ad maiores sit referenda tuos.  
Quòd superas opibus multos, quòd honorib<sup>9</sup> anteis,  
Fortunæ hæc dici munera posse vides.  
Quòd sis augusto spectandus corpore, forsitan  
Natura hanc dotem vendicet ipsa sibi.  
At quòd tam multis fulges virtutibus, atque  
Eximius rari dotibus ingenij,  
Quódque tuis lucem præferre nepotibus illam,  
Quam tibi maiores antè tulere, potes:  
Hæc demum est tua laus: hæc, Præsul, laus tua de-  
Vna hæc te superis inserit ordinibus. (mū est:

### In Ponticum.

SAEpius hinc illinc video tibi, Pontice, mitti  
Carmina iudicio subiicienda tuo,  
Idque à diuitibus: neque enim tua, Pontice, quis-  
Emendaturus limina pauper adit. (quam  
Quid mirū? neq; enim poscit dare munera pauper:  
Nec te, quæ veniunt carmina sola, iuuant:  
Mittit at hic gemmas, alius cum versibus aurum,  
Ut constent opera præmia dignatae.  
Tu, quia muneribus caperis, mala carmina laudās,  
Altera mentita retia laude paras.  
Quid correctoris falso te nomine iactas?  
Id non corrigere est, Pontice, colligere est.

In eundem.

+

**A** Vreda non vana iactas tua carmina voce:  
Purgari solo nempe quod igne queunt.

Francisco Moncaudo Burdigalensi.

**M** Oncaude optime, cui nouem sorores  
Sertis tempora laureis coronant,  
Quem vatem geminus suum Cupido,  
Quem vatem genitrix suum Dione,  
Spretis omnibus, vnicum salutat,  
Illos versiculos perelegantes,  
Illos versiculos perimpudicos,  
Nec castos nimis, & nimis venustos,  
Molles, improbulos, libidinosos,  
Effrontes, pathicos, Catullianos,  
Per ludum mihi quos heri dedisti,  
Iam, credo hercule, millies relegi.

*Vt sunt molliculi! Ut fluunt decenter!  
Vt spirant Venerem vndiquaque totam!  
Vt vincunt Sybariticos poetas!  
Vt, quod pruriat, incitare possunt,  
Non dico senibus modo his pilosis,  
Verum decrepitisque, mortuisque,  
Si quicquam pore mortuos mouere est.*

*Atqui dicere te tamen solebas  
Ludorum, & Cypriæ rudem palæstræ,  
Méque illa imbueras opinione,  
Nil te vt virgineum magis putarem:  
Quin & versibus, impudens, in ipsis  
Semper dissimulas, adhucque sumis  
Tyronis tibi nomen, Imperator.*

*Ohe desine: ten' ego vt pudicum  
Posthac arbitrer, amplius ve fallar?  
Imo mehercule virginemque Cyprin,  
Castratumque putem prius Priapum.*

Diuino ingenio C AE S. Scaligeri.

*E Minus ætherij collucens luminis aura,  
Quæ radios toto disuicis orbe tuos,  
Certaque cognati retinens commercia cœli,  
Tunc etiam cum te deprimis, astra vides:  
Hæc tibi pauca tui mirator maximus offert  
Carmina, at indocta non bene ducta manu,  
Si liceat, tibi templa simul positurus, & aras:  
Vsque adeò numen suspicit ille tuum.  
At tibi pro templo cælum est: humus, ara nec ipse  
Iam renuit, quin sit victima sacra tibi.*

Pro Carolo Montauferio ad Mar-  
garitam reginam Nauarræ.

**M**ens regni, sexus lumen, stupor orbis, in uno  
 Munera quæ diuīm corpore cuncta tenes,  
 Conspicere in qua una veteres licet heroinas,  
 Et quicquid veteri laudis in orbe fuit:  
 Delicium cæli, terræ decus, accipe, quæ se  
 Aduoluunt pedibus carmina pauca tuis.  
 Nam quamuis tibi nulla dari, nisi magna decebat,  
 Parua tamen leta sumere fronte soles.  
 Illa tibi est cum diis communis, ut omnia, virtus,  
 Vili etiam placant quos data thura manu.  
 Fors olim maiora tibi, & meliora dicabo,  
 Si modo me solita, Diua, fouebis ope.  
 Te sine nil, sed multa tuo cum numine possum:  
 Nititur auxilio spes mihi tota tuo.  
 Ipse quidem prorsus nihil hoc sum tempore: sed tu  
 Ex nihilo me aliquid reddere, diua, potes.

C A E S. Scaligero.

**C**VM mea tantopere placeant tibi carmina,  
 Cæsar,  
 Vel si non bona sint, iam bona facta puto.

## F. Grato Lomenio.

**Q**uisquis te Gratū primus, Francisce, vocauit,  
Omen, non nomen tradidit ille tibi.

In quendam.

**M**vlciber incessu, capite AEolus, ore Lyæus,  
Tres vno diuos corpore solus habes.

In Rufinum.

**I**nter Latinos fortè sicubi assedit  
Pulchellus iste, fusculo ore, Rufinus,  
Qui sericatus gaudet ire per vicos,  
Tria verba molli Græca voce τρεχυλίζει:  
Græcè sed ad sit eruditior quisquam:  
Silentur illa: proferuntur Hebræa,  
Quæ liuidis præmansa dentibus latrans,  
Nil præ se apellas iurat esse Rabbinos,  
Suej̄ ita obiicit imperitiæ velum.

At scis, apud nos astus iste quid pro fit,  
Doctor trilinguis, architecte verborum?  
Scis, inquam, apud nos astus iste quid pro fit,  
Qui vera fucis iudicamus abstersis?  
Dum vis videri habere tres simul linguas,

F. i.

*Vnaque tentas anteire serpentes,  
Quod credimus te haud aliud esse, quam linguam.*

### In Noallium.

**N**il immundius est tuis libellis,  
Nil obscenius, impudiciusque:  
Et vis te tamen ut putemus esse  
Numa, Fabritioque sanctiorem:  
At sententia nostra ea est, Noalli,  
Quisquis versibus exprimit Catullum,  
Rarò moribus exprimit Catonem.

### In Vergilium.

Vergilius ipse loquitur.

**C**or Phœbi, Phœbus Latij, Vatū pater, & rex,  
Fons ex quo Aoniæ profilit humor aquæ,  
Par volui primum, maior sed factus Homero,  
In Græcos Romæ iura secunda dedi:  
Ad cœlos tandem raptus, Ioue iudice, dico  
Nectarea illorum vincere voce sonos.

## In Lygdum.

**Q**uod sis tā facilis, quod sis tā, Lygde, benigno,  
Quām noua nupta suo cūm parat ire viro,  
Hoc case te credas nobis̄ ve, aliis̄ ve molestum  
Nomine: quinetiam nos magis ista inuant.  
Displacet hoc, quod nō tantūmodo, Lygde benigno,  
Verumetiam, ut fama est, officiosus homo es.

## In Apollinem.

**C**um timidam cupidus Daphnen sequeretur  
Apollo,  
Currentem celeri per iuga summa pede,  
Improbe, narratur tristis dixisse, Cupido,  
Incaluit pectus cuius ab igne meum,  
Aut concede tuas, quibus istam persequar, alas,  
Aut tua de nostro pectore tela moue.

## In Ponticum.

**S**AEpe, velut ridens, Epicuri dogmata laudas,  
Et, quasi per lusum, reiicienda negas:  
Sæpe velut ridens, dicis tibi vera videri:  
Quinetiam vultus signa probantis habet:  
Sic etiam viuis, quasi non alienus ab illo,  
Omnia quæ iuras te simulare tamen.

F.ij.

*Tolle tuas artes: nihil hæc mendacia profunt:  
Qui semper simulat, Pontice, non simulat.*

Neque auaros, neque prodigos probandos esse.

*I*mproba quem partis cumulandi plura libido  
Detinet, & iuris non sinit esse sui,  
Quem vexat damnoſa modis insomnia miris,  
Dum ſua ſub tacita pondera nocte putat,  
Qui queritur tardas non ſæpius ire Calendas,  
Quique nihil penſi, dummodo quærat, habet,  
Omnia præ lucro contemnere iura paratus,  
Nec mihi, nec cuiquam, credo, placere potest.  
Sed neque qui ternis decies centena diebus  
Fundit, & in ſumptu nil putat eſſe nimis:  
Quique etiam noctu, poſita cùm luſerit arca,  
Non alio ritu tempora lucis agit:  
Quem Sol ſi primo locupletem viderit ortu,  
Redditus ex Crœſo protinus Irus erit:  
Qualis apud Stygiam torquet rimosa paludem  
Vano virgineas vrna labore manus.  
Quisnam igitur? qui ſe cauta ſic temperat arte,  
Ut medium feruans, vitet utrumque latus.  
Proudus, at facilis: parcus ſibi, largus amicis,  
Atque etiam largus, cùm petit hora, ſibi:

*Qui nec opes terra furtim componere, sed nec  
Perdere discincti more nepotis amat.*

### In Gelliam.

*Q*uod nimio faciem cultu tibi Gellia quæris,  
Et suffis multo corpus odore tuum,  
Hac ratione mihi credis te posse placere,  
Conarisque illi me retinere via.  
Quære alios, isto qui delectentur amore:  
Personata mihi nulla puella placet.

### Claudio Coletto Campano.

*C*um det Rufa rosas, cum det tibi lilia, Claudi,  
Cum det fert a tibi crine ligata suo,  
Cum te respiciens suspireret pectore ab imo,  
Annuat argutis cum tibi luminibus,  
Denique cum quo quis solum te sola sequatur,  
Coniicere hinc quis non vltiora queat?

### In Romanum.

*C*um somnus pigris vix dum est excussus  
oculis,  
Atque recens orto pluma relicta die,  
F. iij.

*Inclamas multo puerum, Romane, boatu,  
 Ora lauaturas qui tibi portet aquas:  
 Tunc & ginginas multo sale sesquipedales  
 Proluis, & guttur terque quatérque tuum.  
 Esse quid hoc dicam, quod cùm tam sàpe lauetur,  
 Nunquam non tamen est sordida lingua tibi?*

### F. Laccio Cairiechio.

*Tu'ne meo elabi possis de peccatore, Lacci,  
 Aut ego, dum viuam, non meminisse tui?  
 Ante vel istius mundi compage soluta,  
 Tetras in antiquum sit redditura Chäos.  
 Quin mihi cù Lachesis summos peruererit annos,  
 Nostra sonum referent nominis ossa tui.*

### In Grannium.

*Iambicos sine lege Grannius facit:  
 Miraris? ipse lege Grannius caret.  
 Fraudem suis idem inserit poëmatis:  
 Miraris? ipse fraude sine facit nihil:  
 Adeoque si quid fraude vacuum vñquam facit,  
 Ut fraudet expectatione alios, facit.*

## Iohanni Costecaudo.

**N**I quantum potे quisquam amare quēquam,  
Tantum te ipſe amo, Costecaude, ni te  
Totum non oculis fero iam in ipſis,  
Verū in pectore & intimis medullis:  
Contingant mihi cuncta, quæ timentur,  
Et multo grauiora, quam timentur:  
Tanto ut sim ipſe miserrimus malorum,  
Quanto tu unus es optimus bonorum.

## Iocofum.

**M**Embra sacerdotes si nunc sua cädere moris  
Effet, ut in prisca religione fuit,  
Crebra minus ferret ſpuriorum examina tellus,  
Fraudaret ſociam foemina rara fidem.  
Vera quidem ſunt hæc: ſed ſi lex illa feratur,  
Quære alium, quam me, qui tibi ſacra canat.

## In malos principes.

**I**Vppiter in faciem, propter ſua probra, lupinam  
Mutauit regem Mænalis ora tuum.  
Ille quidem Regum ſolus, mihi credite, non eſt,  
Deſe qui dici promereatur idem.

F.iiij.

## In Corellium.

**S**Vtor es, & pistor, lanius, lanoque, coquusque,  
Mercatorque bonus, causidicuusque bonus:  
Te tamen in tota non est mendicior vrbe,  
Nec quem paupertas arctius agra premat.  
Dic agendum, qui fit (nam res est mira, Corelli)  
Cum tot res facias, rem facere ut nequeas?

## In Lygdom.

**C**Ur tibi cauta dedit corpus natura pusillum?  
Viderat hoc ipso plus satis esse mali.

## De monacho quodam.

**C**Ordigerum abiecto deprendit forte cucullo  
Hospita non segnem, nec sine mete virum,  
Cui tota interior (velut omnia plena dolorum)  
Serica sub vili tegmine vestis erat:  
Hospita quod mirata, quid, ô pater optime, nun-  
Vestis, ait, sorti conuenit ista tua? quid  
Ille nihil cunctatus, echo, quidnam vetat? inquit:  
Quippe meo sunt haec parta labore mihi:  
Quoque magis credas (grandi mutone reiecto)  
Hoc mihi, ait, fusum talia nere solet.

In conuiuatorem nimiū prolixum.

**Q** *Vonam scriblitas, quonam ista sophistica plenis?*  
*Vis bene conuiuas pascere? pone famem.*

Annę Ogeriæ Neapolitanæ.

**A** *Vrea cæsariem, prædulci argentea voce,  
 Hei mihi, cur duro ferrea corde manes?*

Iohanni Deliano.

**S** *I sacer ætherio furor excitat igne poëtas,  
 Eosdémque aßidua lampade torret Amor,  
 Miraris, solidos curnam exhaustire trientes,  
 Donaque Lenai sumere patris ament?  
 Ante diem geminus miseros extingueret ardor,  
 Ni daret aßiduus frigora grata latex.*

Stephano Alisio Burdigalensi.

**S** *I mea se faciles dederint in vota camœna,  
 Vt per plura meum secula carmen eat,  
 Tu pariter tecum memori celebraberis æuo,  
 Et tibi scripta vetus per mea nomen erit.*

*Sin (sed enim verbis & pondus & omen abesto)*  
*Non seneant domino longius illa suo,*  
*Non tamen idcirco tibi displicitura putabam*  
*Hæc magni in te animi pignora parua mei.*

### Mario Crucio.

**F**orma ætate perit: vires ætate fathiscunt:  
*Casibus innumeris eripiuntur opes:*  
*Vna, Mari, est virtus, quæ non vis tēporis aufert,*  
*Non premit indigno fors inimica pede.*  
*Vna suos inuicta perennibus infertil astris,*  
*Fortunæ imperio liberat Vna suos.*  
*Hanc sequere. Insani est postponere firma caducis,*  
*Verique quæ bona sunt, spernere, falsa sequi.*

### In Ponticum.

**P**onticus eximum dum se ait esse poëtam,  
*Hoc sola dici iure poëta potest.*

### In Laïdem.

**N**on toto est mulier, quam Laïs, iustior orbe:  
*Cur ita? nam rectum semper amare solet.*

## In Auitum.

**C**V'm subigit sterilem, nihil illi donat Auitus:  
Sic fit, vt ille oleum perdat, & illa operam.

## In Pontilianum.

**C**Vr tua vix vnquam sint falsa epigrāmata,  
Diluis hæc nimio, Pōtiliane, mero. (quæris?)

## De virtute &amp; gloria.

**V**Irtus, vt solidū quiddā est, & corpore constās:  
AEqua sed est vmbra gloria fluxa leui.  
Hanc igitur quisq' uis neglecta amplectitur illa,  
Huic mage quam corpus, corporis vmbra placet.

## De Lucij cuiusdam memoria.

**E**Sse aliquam si quis memorandi perneget arte,  
Hanc qui confirmet, Lucius unus erit:  
Ille etenim nuper curaque adiutus & arte,  
Tres versus totidem noctibus edidicit.

## In Paulum.

**E**lecto surgens ad mensam accedere Paulus,  
E mensa ad lectum rursus abire solet:

*Interea attingit libros, ut vina catelli,  
Et queritur se se discere posse nihil.*

### Fatis parendum.

**O** Bsequitor fatis: ducent te fata volentem:  
*Sin minus, inuitum te tamen illa trahent.*

### De Pompilij naso.

**P**ompilio est nasus cubitos tres longus, & vnu  
Latus, & huc murus cingit vtring; triplex:  
Ad sunt & turres, Bacchus quas condidit ipse,  
Et minio tinctis usque rubore dedit.  
Huic etiam naso vis admiranda tributa est:  
Nam calices siccis illius umbra facit:  
Imo etiam longe distans si senserit usquam,  
Ut magnes ferrum, sic trahit iste merum.  
Nuper eram in mensa, sitiens, potare paratus:  
Pompilius clausas astitit ante fores:  
(Mira canam, sed vera) merum mihi forte paratu  
Attraxit naso protinus ille suo.

### In Pauli nasum.

**E**xiguum si quis nasum vidisse laborat,  
Paulum adeat, Paula si modo nasus inest:

*Non enim est nasis, sed pars centesima nasi,  
Et quo quis viso dicere posset, ubi est?  
Talis inest nasis muscis, sed & his quoque maior,  
Et melius nasi nomine dignus inest.  
Quam quae per radios volant corpuscula solis,  
Maiorem nasm vix, puto, Paulus habet.*

### Sub exortum diei.

*Roscida purpureos effert Aurora iugales,  
Et nitidum Soli prævia sternit iter:  
Noctis aues dudum rupere silentia cantu,  
Nullaque iam cœlo, rara vel astra micant.  
Exit flammiuomo Phœbus spectabilis ore,  
Et tenebras densæ noctis abire iubet.  
Christe, patris splendor, vero me lumine reple,  
Aque meo tenebras pectore pelle procul.*

### In Gaurum.

*Effundas versus una cum luce ducentos,  
Forte poëtastris annumerandus eras:  
Sed cum te eximum iactas tam sæpe poëtam,  
Id quoque quod paulum est, incipit esse nihil.*

## In Pamphagum.

**P**Amphagus in patulā tā multa ingeſſeratalū,  
 Quām poterant denis plus ſatis eſſe viris:  
 Ecce venit caupo, preciūmque expoſtulat: ille  
 Ebria terribili lumina more rotans,  
 Euomit in patinam vinūmque, cibōſque receptos,  
 Atque ait, En, merces tu tibi habeto tuas.

## In Gallonium.

**S**TERTIT ad octauam Gallonius: inde cubili  
 Paulatim affurgens languida membra leuat.  
 Obiicitur perdix, quam protinus ille calentem  
 Deuorat: hac nulli ceſſerit arte libens.  
 Spumantis temeti cyathos octō ve, nouém ve  
 Adiicit, & ſacris ſic operatus, ait,  
 Di date mī conſtantē animū, mentēmque quietā,  
 Quām multis vita eſt noſtra referta malis!

## Sextio.

**M**VLTA quide, fateor, confers mihi munera, Se-  
 Deuinctū tibi me nec tamē eſſe reor. (ſti,  
 Cur ita? quòd quæ das, tristi dare mente videris:  
 Sic ego quæ data ſunt, vendita dona voco.

## De voluptate, &amp; ratione.

**C**VM, velut excelsa residens in puppe, Voluptas  
Arbitrio mentem pellit agitque suo,  
Horrida bacchantes ineunt certamina venti,  
Nauémque in Syrtes & vada cæca trahunt:  
Illinc Ambitio, Dolus hinc consurgit, & atrox  
Ira cruentatas sanguine tincta manus.  
At ratio regimen nauis si sumperit, ecce,  
Compositis vndis & quora tutas silent:  
Ipsa ratis nullo ventorum exterrita flatu  
In portum certo tramite flectit iter.

Sansoni Crucio.

**E**T bonus, & diues, Sanfo, simul esse laboras:  
Id fieri nulla sed ratione potest:  
Sic utrumque petens, perdes utrumque: necesse est,  
Alterutrum tollas, alterutrumque petas.

Tumulus Otthonis hominis  
voracissimi.

**C**onditus hac sub humo est gurges vastissimus  
Otto,  
Cui nunc officium iusta rependit humus:  
Condidit in ventrem terræ tot iugera viuus:  
Hunc sub ventre suo nunc quoque terra tenet.

## In Virronem.

**V**òd totam Virro furiosi more per urbem  
 Discurrit noctu, quòd loca sola petit,  
 Nescio quid secum solus quòd mussit at illo  
 Quòd nemo est tota sordidus urbe magis,  
 Hac ratione parat nomen famamque poëtæ,  
 Et reperit fatuos, sic quibus esse probet.  
**O** valeant calami, pereat genus omne librorum,  
 Reddere si Yates mens male sana potest.

## In Paulum.

**V**& tu condideras, inspexi carmina nuper,  
 Lectaque sunt, fateor, tèrq; quatèrq; mihi:  
 Nec tamen eualui cognoscere quid sibi vellent:  
 Vsque adeò obscurè scribere, Paule, soles:  
 Nam tu verba, puto, ex libris accepta Sybillæ,  
 Quæque Catonis erant tempore prisca nimis,  
 Versibus infercis, gaudesque obscurus haberi,  
 Et velut inducta singula nube tegis:  
 Errasti hoc tantum, quòd mittens carmina, Paule,  
 Debueras unā mittere grammaticum.

## Ad amores.

**C**arnifices curæ, miseræque incendia mentis,  
 Et tu cum pharetra sene Cupido tua,

Túque Erycina ferox, longū, æternūmque valete,  
 Ferte aliò vestras, noxia tela, faces:  
 Præteriti vobis nimium concessimus ævi:  
 Iámque dies mores postulat ista nouos:  
 Nunc iuuat & rerum caussas tentare latentes,  
 Inuiáque ignauis per loca ferre pedem,  
 Induere & mores, contræcta fronte, seueros,  
 Atque puellares spernere blanditias.  
 Hæc loquor: at si me placidis spectarit ocellis,  
 Quæ fugat aspectu nubila cuncta suo,  
 Quàm vereor, ne mox mihi multa & magna lo-  
 Omnia cū fastu fortia verba cadant! (cuto)

### In Pontilianum.

**C**V'm rapidus medio desæuit in æquore Titan,  
 Fer puer huc cyathos, Pontilianus ait:  
 Cùm pluit, en, inquit, deus admonet esse bibendum,  
 Qui nunc tam multo proliuit hymbre solum:  
 Sic vacua à potu non vnquam tempora dicit,  
 Cürque bibat, semper Pontilianus habet.

### Petro Quintio.

**S**I dea, quæ dubiis huc illuc passibus errat,  
 Et regit humanas, lumine capta, vices,  
 Quem Labirynthæis erroribus egit, Vlyssem  
 G.i.

*Ad patrios esset passa senere focos:  
 Membraque lausque viri tumulo caperentur eode,  
 Et tegeret nomen, qui tegit ossa, lapis.  
 At quoniam fatis variè crudelibus actus,  
 Dura tulit terra plurima, plura mari:  
 Vixit, & euectus rutilis super aethera pennis,  
 Maenio clarum carmine nomen habet.  
 Macete animo, Quinti: dum te sors inuidia vexat,  
 Apatriisque procul finibus esse iubet,  
 Virtutem illa tuam toto disseminat orbe,  
 Dumque nocere cupit, sic quoque saeva iuuat.*

Claudio Burgo.

*P*Erpetuò mœres, nec frontem exporrigis unquam,  
*Hoccine tu, queso viuere, Burge, vocas?*  
*Is demum verè viuit, qui mente serena,*  
*Et nitido lætos exigit ore dies:*  
*At qui perpetuis torquet se angoribus, hunc non*  
*Viuere, sed lenta morte perire puto.*

In Diuam Catharinam.

*Q*uo te præcipue commendem nomine, Virgo?  
*Laus etenim que te non minor esse queat?*  
*Magnum erat errores veterum liquisse parentum,*  
*Maius at imperium deseruisse fuit.*

*Magnum erat immanis rabiem spreuuisse tyranni,  
Supplicia at nraius sponte subire fuit.*

*Magnum erat his vitam sponte obiecisse periclis:  
Maius nunquam animo succubuisse fuit.*

*O decus eximum patriæ, sexusque, polisque,  
Dicere te merito nullus honore potest.*

Eadem de scipsa loquitur.

**I**llecebras inter medias educta virago,  
Re princeps, mulier corpore, mente dea,  
Nixa deo, mundi spernens mala gaudia, vici  
Tum tormenta animo, tum ratione sophos.

Non rota, non gladij, non ipsi horrenda tyranno  
Mors potuit mentem sedē mouere meam.

Scilicet haud quicquā mēs Christo afflata veretur:  
Ille meæ vires, & mea vita fuit.

Quid, fuit? estque, fuitque, atque est sine fine fu-  
Principium vita mors dedit ipsa mihi. (turus:  
Qui legis hæc, sic tu te etiam compone, viator:  
Mors tibi pro Christo vita perennis erit.

In quendam.

**Q**uidam ieunum me clamitat esse poëtam,  
Et mihi, sicca nimis carmina condis, ait:  
Ipse nota sedenim carpi ne possit eadem,  
G. ij.

*Egregia prudens calliditate cauet:  
Nunquam iejunus, nunquam ut qui scribere siccus,  
Sed satur, & vino semisepultus amet.*

### In Crassum.

*Q*uod ruri maneo studiis addictus honestis,  
Rusticus hoc videor nomine, Crasse, tibi.  
Rusticus ille quidem non est, qui rura pererrans,  
Ingenium rerum cognitione colit:  
At tu, qui nullam nosti stultiissimus artem,  
Esse vel in media rusticus vrbe potes.

### In Gaurum.

*F*ama est hoc anno morituros esse poetas:  
Quid metuis? nil te, Gaure, timere decet.

### In Rufinum.

*C*um coenet nemo tota te lautiis vrbe,  
Ad tua cur rarus prandia, queris, eam?  
Accubui simulac tecum, Rufine, moneteque  
Primus in appositas impetus ire dapes:  
Mox onerare meas insulis versibus aures  
Incipis, & nugas ingeminare tuas:  
Nec retices vnguam, sed ab ouo ad mala, recenses  
Vix, puto, per centum carmina facta dies,

*Quæ si quis sanus patienti combibat aure,  
Illum adamantini pectoris esse putem.*

*Miraris, cur te non possim ferre canentem?*

*Mensa ipsa insipido carmine pressa gemit.*

In Fortunam.

**F**ortuna inconstans, & neutro certa paratu,  
*Vel fautura premit, vel nocitura fauet.*

In Commétarios iuris ciuilis, Fran-  
cisci Connani viri clarissimi.

*Liber ipse lectorem alloquitur.*

**D**um tua nil præter curantis cōmoda, Lector,  
*Me patris assiduo cura labore polit,*  
*Dūmque diebus amat totas ex ordine noctes,*  
*Noctibus & totos continuare dies,*  
*Ipsē (fatebor enim infelix) dominōque patrique,*  
*Ipsē necis properæ maxima causa fui.*

*Verum etiam sine me, fatalia tempora mensus,*  
*Serius ut paulò, tandem obiturus erat.*

*Faxo ego, ut aeternū per me nunc vivat: eroque*  
*Illi auctor vitæ, cui necis antefui.*

De Seipso.

**D**icebam Euterpæ, coepitis in versibus hærens,  
*Auxilium fratri porrige, Diu a tuo.*

G. iij.



*Fraterno mota est in risum nomine Virgo,  
Et nitido sudum reddidit ore diem:*

*Tunc ego subridens, mirari desine, nam mi  
Si pater est Cæsar, tu soror esse potes.*

### In importunos recitatores.

**H**ei mihi, quām res inuisa est nimis esse poëta!  
*Quantum odij morbus colligit ille suis!*  
*Nil genere hoc hominū est vsquā importuni<sup>o</sup>. illos*  
*Et cane, qui sapiunt, peius & angue cauent.*  
*Nec locus est, nec tempus, ab iis subducere quo te,*  
*Non si mille modis aggrediare, queas.*  
*In foro te, in thermas, & balnea in ipsa sequentur:*  
*Quòd si in templo gradū ferre parabis, & huc.*  
*Si noros forte ægrotos inuisis, & illuc:*  
*Spectatum ludos forsitan ibis? & huc.*  
*Pergis èò, nullum quò ducere queris? & illuc:*  
*Pergis èò, comitem quò tibi poscis? & huc.*  
*Denique, ut exoneris aluum, discedis? & illuc:*  
*Vt somnum capias, fessus abibis? & huc.*  
*Interea insulis onerabunt versibus aures,*  
*Auribus ut te tunc ipse carere velis:*  
*Versibus insulis, queis cantio gratior illa est,*  
*Quam geminat putri condita rana lacu.*  
*Ex genere hoc, miserū nuper me prenderat unus:*

(*O lux infelix quam fuit illa mihi!*)  
*Fessus ego, insuavis mihi iam ut vita esset, apud me  
 Fundebam surdo talia vota Ioui:  
 Summe deum, te si qua mei miseratione tangit,  
 (Nam quasim positus conditione, vides)  
 Aut abige huc tandem, aut mihi da surdescere, vel iam  
 Alterutrum nostrum, vel neca utrunque simul.  
 Venerata primae damnata crepuscula lucis:  
 Vix abiit Yates sole cadente meus.*

Paulo.

**D**as mihi lactucas, centum sed mutua poscis:  
*Define: lactucas, Paule, minoris emo.*

In Collinam anum.

**D**espeream, nisi te aspicio, Collina, libenter,  
*Nique etiam tecum saepius esse velim:*  
*Tum quonia anguicomas sic exprimis ore sorores,*  
*Terriculi ut facile munus obire queas,*  
*Tum quonia imprimis potas lepide, atque deceter:*  
*Crede mihi: hic demum gratia magna tua est:*  
*Nam tu aliquot, qui sunt reliquae præludia pompe,*  
*Suauiter immisisti ructibus in cyathum,*  
*Sic bibis, ut dulcis labii pendentibus humor*  
*Affidue alternis influat, & refluat.*  
*G. iii.*

*Expers interea ne sit pars vlla decoris,  
Labitur in pingue m̄purca saliuia sinum.  
Crede mihi: id pulchrum est, dentes cūm allis ad  
Sic patulo geminus ludit in ore liquor. (atros  
Macte age, macte animo Furiarum sola voluptas,  
Delicium Stygij sola futura canis:  
Perge, citosque bibens, Mæandri redde reflexus:  
Id, festiuia, simul & bibere, & vomere est.*

Antonio Callæo.

*V Nquámne, Antoni, locupletem te fore credis?  
Et cælo, & tota falleris hercle via.  
Non es adulator, non fur, non denique leno,  
Non bonus insontes voce onerare reos.  
Innocuus viuis, fraudisque, & criminis expers,  
Semper in antiqua simplicitate manes.  
Euades nunquam diues rationibus istis:  
Esse bonum nostro tempore stultitia est.*

Paulo.

*Q Vi capit, inferior: maior, qui donat, habetur:  
Inferior sic te, Paule, libenter ero.*

Cuidam.

*H Os tibi quid iuras factos ex tempore versus?  
Pagina, si taceas, id satis ipsa probat.*

## In Phædram.

**C**V'm Phædra Hippolyti disiectos cerneret ar-  
Mēbraq; tā multis sanguinolēta locis, (tus,  
Postquam non potui viuum te inflectere, dixit,  
Persequar ad Stygios te tamen usque lacus.  
Dixit, & incumbēs gladio, terram ore momordit:  
Sæpe amor insanus talia monstra parit.

## De morte M. Bruti.

**B**RUTUS ut Augusto belli succedere palmam,  
Et paulum à victis vidit abesse suos,  
Amplexus gladium multa iam cæde madentem,  
Ergone te, dixit, sospite, seruus ero?  
Quin potius fatis id quod præclusa malignis  
Non potuit patriæ, dextra datura mihi est.  
Hæc fatus, rutilum per costas exigit ensem,  
Magnanimoque cadens pectore pulsat humum.  
Sic quoque dum moritur, labris dum spiritus errat,  
Nunc, ait, inuito Cæsare, liber ero.

## In quendam.

**Q**Vidam Margaridem meam salutat,  
Morbosus, capularis, euiratus,

*Ficosus, reçutitus, herniosus,  
Caluaster, podager, cadauerosus,  
Orci victima, pabulum Charontis,  
Cui iam oris, puto, fœtido in recessu  
Dentes quinque, nec amplius, supersunt:  
Cui centum scabies petita lustris  
Artus depopulatur hulceroſos.*

*Idem, quod magis ac magis pudendum est,  
Pauper, dirutus, expeculiatus,  
Qui noctu omnia fana peruagatur,  
Siquid, perditus, harpagare possit,  
A se quo misera famem repellat.  
Atqui surripiat, clepat, quid ad me?  
Quicquid fecerit, haud mouebor vñquam,  
Dum ne Margaridem meam salutet.*

### De morte Ciceronis.

**C**V'm ferus astaret stricto mucrone satelles,  
Sumere supplicium de Cicerone parans,  
Immoto vultu, atque oculis constantibus ille  
Præbens infanda colla secunda manu,  
Publica libertas vita mihi carior, inquit,  
Me quoque, mefas est, te moriente, mori.

Calendis Ianuariis, Iocosum,  
ad Michaëlem Lochianum.

**N**on tibi pro xenii, fului preciosa metalli  
Pondera, non docta signa polita manu,  
Non lana Assyrio tintcta & saturata veneno,  
Non grauis argenti lamina munus erit.  
Talia non capiunt generosas munera mentes,  
Talia magnanimi spernere dona solent.  
Cum te igitur, quam sis excelsus pectore, norim,  
Non mittam ista tibi dona: quid ergo? nihil.

### Ad Ianum Vermelianum.

**D**iuitias hodie plena de promere ab arca,  
The sauroisque meos iam referare placet,  
Ut te muneribus donem, mi Iane, superbis,  
Iane, inquam, ex animo nunquam abolende meo.  
Dona paro tibi ferre, quibus, si dicere fas est,  
Attalicæ possunt nil dare maius opes:  
Munera, Persarum gazas quæ vincere possint:  
Munera, Pactoli est præ quibus vnda nihil.  
Quidnam post tantos feret hic promissor hiatus,  
Qui sua tam elata munera voce canit?  
Sic tecum: & quæ sint ea tandem dona, requiris:  
At qui iamdudum, quæ tibi poscis, habes.

*Hui! dices, hoc tu breue chartæ & inutile frustū  
 Per farum gazis amplius esse putas?  
 Quid facias? nil posdeo, nisi carmina, Iane,  
 Quare ea thesauros diuitiásque voco.  
 Tu quoque, si natura mihi tua cognita rectè est,  
 Carmina diuitiis pluris habenda probas.*

Curandam esse hyemis tempore  
 cuticulam.

*I*ngere ligna foco: vis frigoris aspera sœuit:  
 Eia age quid dubitas? ingere ligna foco.  
 Non audis, quanto Boreas bacchetur hiatu?  
 Nonne vides, multa vt iam niue canet humus?  
 Aspicis, vt veteres viduentur frondibus orni?  
 Cernis, vt amissas sylua queratur opes?  
 Cernis, vt pigro lentescant marmore riui?  
 Me gelidus rotis artubus horror habet.  
 Ferto age, ferto huc vina, puer, cyathosque capaces,  
 Ante focum mensas explicuisse iuuat.  
 Iam tristī cælum est facie, iam nubilus aër  
 Omnia concutiens, nos vetat ire foras.  
 Ergò domi inclusos genio indulgere necesse est,  
 Mos datus à priscis vt teneatur anis.

Lodoico Valesio adolescenti  
honestissimo.

**M**Iraris, tanto cùm te complectar amore,  
Cur tamen extremum h̄ic te, Lodoice, locē?  
pectore nempe mihi penitus defixus in imo es:  
Ultimus, hinc factum est, pectore vt exieris.

## EPIGRAMMATVM FINIS.


L. Memmii Fremioti in Marcum  
Antonium Muretū præceptorem  
optimum & carissimum.

**M**V R E T E eximios inter celebrāde poëtas,  
Cui numerat paucos Gallia tota pares,  
Cui pater ipse lyrā & plectrum trāscribit Apollo,  
Quem sibi Pierides spēmque metūmque putant:  
Hos per te exculti primos cape ruris honores,  
Quos tibi dat tremula nostra Thalia manu.  
Scilicet aurifluæ numerosō verbere linguae  
Dum tu corda loquens obstupefacta quatis,

Pectore & à docto gemmarum proiicis hymbrem,  
 Quem rapiat celeri lecta iuventa manu,  
 Per tua ego ingressus timido vestigia passū,  
 Sedulus, hæc tandem qualiacunque dedi:  
 Quæ tibi dum placeant, aliorum haud puncta mo-  
 rabor:  
 Iudicio tutus despiciam illa tuo.

Eiusdem.

**D**icebam, mihi Pierides præsto este canenti,  
 Et mihi tu vatum duxor Apollo faue.  
 Aure meas surda Musæ spreuere querelas:  
 Aure meas surda spreuit Apollo preces.  
 Verum vbi Mureti me sum de gente professus,  
 Et dixi, Marcus me quoque vester amat:  
 Mureti audito accurrerunt nomine Musæ,  
 Sponte & opem Phœbus detulit ipse suam.



M. A. M V R E T I

*Epistolarum Libellus.*

Ad Nicoläum Vicnnensem  
Epistola.

N C L Y T A nobilium so-  
boles, Nicolæ, parentum,  
Qui iam nunc ipso ex ætatis  
limine signa  
Virtutis præbes nobis manife-  
sta futuræ,  
Nimirum sapis, & rem rectè intelligis vnus,  
Qui licet antiquis ortus natalibus, haud te  
Ante tamen ponis reliquis, sed fronte modesta  
Alloqueris cunctos, vultuque humanus amico,  
Non ulli renuis dextram præbere fidelem:  
At quidam contrà nullis maioribus orti,  
Ore tamen tumido voces efflare superbas,  
Æqualisque suos audent contemnere, tanquam  
Indignos queis sese æuali fœdere iungant:

Quos tu deridens, inter nihil esse, parente  
 Quo sit quisque creatus, ait, dum sit modò vere  
 Virtutis studiosus, amèque in rebus honestis  
 Ponere labentis fatalia tempora vitæ.

Cui non Sicaniæ notus dominator opimæ,  
 Qui de figlina est ad regni euectus habendas?

At contrà Persei, qui claram rexerat olim  
 Pallenæ, natus, fortunæ ludibrium, amplos  
 Inflabat folles, & regis filius, vncio  
 Impositam incidi versabat forcipe massam.

Quid? non & matris captiuæ abiecta propago,  
 Cui regni flamma index circum tempora fulsit,  
 Regali sedet solio? Quid stemmata iactas?

Num pueri regum parte enascuntur eadem,  
 Qua mendicorum? nunquid communis utrisque  
 Materia est? nunquid morbis obnoxius æquè est,  
 Quem lana Assyrio velat medicata veneno,  
 Principibus proauis, claroque ex sanguine natum,  
 Et sub Aquitanis sordet qui bardocucullis,  
 De peronato genitus patre? nonne sorores  
 Noctigenæ, vitas hominum quæ pollice versant,  
 Sunt æquè immites generosis, vilibus æquè?

Quidnā igitur præstat mendico hic nobilis isti?  
 Aut quid nobilitas tādem est, nisi fumus inanis?  
 Nam si vim verbi inspicias, & nobile scortum  
 Dicitur, & latro nonnunquam nobilis: imò

*Nomine ita accepto, Pornus quoque nobilis ipse est.  
Sed nempe insanit vulgus, multiisque veratro  
Indiget, indignos alienis laudibus ornans.*

*Qui se non vlo deturpat criminе, quique  
Viribus ingenuas totis amplectitur artes,  
Is mihi, sit quamvis genitore creatus egeno,  
Nobilis est: at qui, vitiorum mole grauatus,  
Nil præter statuas, & auorum nomina iactat,  
Si verum excutias, longè abiectissimus ille est.*

### Ad Ianum Antonium Baifium.

*I*ane mei cordis longè pars maxima, quocum  
Dulce mihi est totos crebro componere soles,  
Dum tu aut Niliacæ meditaris funera Thisbes,  
Inficiens atro candardia poma colore,  
Aut opus eximum numeris sublimibus aptas,  
Syrmate conspicuus, picturatoque cothurno,  
Carmine nos humili nostros includimus ignes,  
Aut brevibus scriptis dulces affamur amicos,  
Aut vitii genuum infigimus. Omnia nos hæc  
Paruula inaudaces: tibi fas maiora parare,  
Cui totus se IHelicon, totusque recludit Apollo.  
Ad vires se quenque suas compone et verum est.

## Ad Stephanum Iodellum.

**S**EMINA sunt quedam nascentibus insita nobis,  
Quae, duce natura, ad varias impellimur  
Artes:

Ille fori rabiem, vespereaque iurgia laudat,  
Et pauidos grata defendit voce clientes,  
Impatiens soci: contrà hic sulcare carinis  
Regna tridentiferi gaudet patris, & trabe vasta.  
Visere longinquas terras sub sole iacentes:  
Prodigus hic vita violentis ducitur armis,  
Gaudet & hostili stagnantes sanguine campos  
Aspicere, & litui sonitu recreatur acuto:  
Ille sui nunquam fines excedere agelli  
Ausus, amat tacitis deducere passibus ænum,  
Proscindens magna gremium genitricis, & altis  
Pinguis Triptolemi committens munera fulcis.

Nos Musæ, Iodelle, tenent, genitorque Lyæus,  
Quæ rigidæ ambiguo venerantur numine Thraces,  
Et Nymphæ celeres, & capripedes Satyriisci.  
Nos & luce noua lustrat dum Delius orbem,  
Et iubar auricomum tremulis dum fluctibus abdit,  
Addictos studiis videt, intenösque labori.

Sed tua te virtus, animi te vividus ardor  
Æquales longè ante alios vnum abripit: vni  
Pupureis dictant Musæ tibi talia labris,

*Qualia pulchricomus, choreas ducentibus ipsis  
Cantat, & ad numerū simul ipse mouetur Apollo.*

*Felix ingenij, viridi cui detur ab ævo.*


*Longæuos æquare senes, & carmine dio  
Demulcere animos : iam te ipse tumescit alumno  
Sequana, iam virides resonant tua nomina ripæ.*

*Perge agendum, neu te venienti subtrahe famæ:  
Non te Parca feret totum: non totus obibis,  
Parsque tui effugiet ferales optima flamas.*

*Musa suos vetat ipsa mori : dat vivere Musa  
Perpetuò, & famam memorem per secula propagat:  
Cælo Musa beat: famam tibi Musa perennem  
Protrahet, & cælo te olim, Iodelle, beabit.*

F I N I S.

H. ij.



M. A. M V R E T I

ad Iohannem Auratum vi-  
rum vtraque lingua  
eruditissimum

O D Æ.

V R A T E gentis grande de-  
cus meæ,  
Qui tensa docta fila legens  
manu,  
Seclis inexpertum vetustis  
Ambrosio iacis ore nectar,  
Quid esse causæ suspicer, inuida  
Suis quòd ortos Gallia finibus  
Aut odit, aut spernit poëtas,  
Vsque fauens peregrinitati?  
Atqui vetustis temporibus suos  
Et fuit Hellas, & Latium suos  
Quæ prauitas nos mentis vnos,  
Nefaciamus idem, coercet?

*Nihil daturum me auribus hic tuis  
Velim arbitris, sim licet & fide  
Pridem tibi, & communitate  
Sanguinis, & patriæ alligatus:*

*Nil ista sed me commoueant tamen,  
Aurata palpo percutere inscium,  
Ut laudibus te ornare pergam,  
Ni tua me prope singularis  
Virtus moueret. Nil faciles tibi  
Musæ negarunt: seu libeat fide  
Sacrare Græca, seu Latina  
Nobilium inclyta facta regum.*

*Hac arte quondam quas sibi copias  
Dirces alumnus, quod peperit decus?  
Contra, tuos mercede iusta  
Quisnam hodie decorat labores?  
Præiudicatæ quòd nisi nos premat  
Auctoratis pondus, erit nihil,  
Cur non, metu planè remoto,  
Cedere te inficiemur illi.*

*Sed nempe virtus temporibus iacet  
Depressa nostris: hinc fit, ut vnic  
Virtutis altiores poëtæ  
Clade etiam simili premantur.*

In discessu Daniëlis Schleicheri,  
filii longè dulcissimi.

**D**escende cælo, & iam mihi lugubres  
Regina dicta Calliope modos,  
Quibus furentem, eheu, sub imis  
Visceribus retegam dolorem.

Dic, dina, carmen, quale per herbidi  
Ripas Caystri, candidulum caput  
Traiectus immitti sagitta  
Voce canit moriente cycnus.

Aut qualia olim coniuge Thracius  
Rapta sacerdos dixerat, ad sonum  
Quorum & feræ immanes quierunt,  
Et rabidi posuere venti.

Ah ! Vnde questus incipiam meos?  
Quæ prima se vox pectore proferet,  
Itérque laxabit querelis?  
Nam meus hinc D A N I E L recedit.

Nunquámne posthac, ô iuuenum decus,  
Quotquot iugales dum citat aureos,  
Terrámque collustrat iacentem,  
Igniomo videt ore Phœbus,

Nunquámne posthac conspiciam tuos,  
S C H L E I C H E R E, vultus? cur igitur moror,  
Nec tristis inuisaque vita

*Fila ferox inimica rumpo?*

*Iam iam valete ô gaudia, & ô ioci,  
Et quicquid antehac dulce fuit mihi:*

*Venite iam fletus perennes,*

*Perpetuique venite planctus*

*Innixa ramis Daulias vt nouis,*

*Cui cautus auceps, furtifica manu*

*Pullos renellos inuolauit,*

*Mœsta sedet, geminâque questus,*

*Et se doloris vulnere conficit,*

*Sic ipse postquam desiero tui*

*Aspectu amato atque expetito*

*Possé animum exsatiare vultus,*

*Eheu, quibus tunc fluctibus opprimar!*

*Quantas dolorum perpetiar faces!*

*Quàm sèpe, te vt spectare possim,*

*Morte mea cupiam pacisci!*

*Lenito crebris hæc mala literis,*

*O nate, saltem, né ve animo patrem*

*Depone, qui, dum viuet, vnum*

*Pectore te retinebit arcto.*

### Ad Claudium Voësium.

**C**laudi integello pectore amabilis,  
Qui mente solus disuicis à mea  
*H. iiiij.*

*Acerba curarum, benignis  
Vocibus, alloquiōque dulci,*

*Non sic timenda est, in Lybiæ iugis  
Quæ, matre rupta, vipera nascitur:  
Non scorpij cauda minaces,  
Non geniti sub aquis chelydri:*

*Non herba tetro noxia gramine,  
Quamcunque tellus Thessalîs educat,  
Non illa, quam stillante rictu  
Spuma canis genuit triforis,*

*Dira ut latentis tela Calumniæ,  
Quam Dite Tellus sustulit ex patre,  
Nefariam, insontesque fictis  
Criminibus premere efficacem.*

*Hæc congregobatis suis pitionibus  
Beli nepotem perdidit, hæc malæ  
Adegit ad potum cicutæ  
Innocuum sophiæ parentem.*

*Dum Phœbus Indos exoriens nouo  
Afflabit igni, Beticolas cadens,  
Non vlla Thesidæ modesti  
Secla pudicitiam tacebunt.*

*Aggressa blandis hunc sua fraudibus  
Nouerca pellax, quid iuuenum decus,  
Labentis istud ver iuuentæ  
Perdis, ait, tenerumque florem?*

*Cur editorum per iuga montium,  
Antris latentes persequeris feras?  
Tibi absque telis, retibusque  
Præda domi melior parata est.*

*Accede, neu te pœniteat mei  
Fructus pudoris carpere primulos:  
Non me ore natura indecoro  
Protulit, immeritam ve amari.*

*Quid vana legum vincula te mouent?  
Natura nullos concubitus vetat,  
Sed compedes vanissima istas  
Cura hominum sibi fabricata est.*

*Nil ille motus, desine vocibus  
Tentare mentem spurcidicis meam,  
O spurca, & in tauros furenti  
Progenies genitrice digna.*

*Hæc fatus in tessa, & nemorum abditos  
Abit recessus, gesa manu rotans:  
Vadentem odora & vis sagacium  
Anteit, & sequitur Laconum.*

*Quid innocentis iuueni tamen  
Seruasse tanto à crimine profuit  
Mentem, si apud patrem reuersum  
Impia plus potuit nouerca?*

*Cuius querelis ille adèd integer  
Per vota patris filius occidit,*

*Cautes & eliso marinas  
Imbuit emoriens cerebro.*

*Nec me venenis non petuit suis  
Illa ipsa mendax anguipedum soror,  
Mendaciorum procreatrix,  
Perpetua & scelerum architecta:  
¶ Sed dexter illi me eripuit deus,  
Vmbone tanquam me triplici tegens:  
Cuius memor, nunquam canoris  
Versibus hunc celebrare mittam.*

**S A D P E T R V M R O N-**  
**S A R D V M G A L L I C O R V M**  
 poëtarum facile principem.

**R**onsarde Aonij pectinis arbiter,  
*Qui princeps resonum solicitasebur,*  
*Ventorumque minas, & celeres potens*  
*Lapsus sistere fluminum,*  
*Quando te reducem Vindocino ex agro*  
*Cernemus, veterum turba sodalium?*  
*Quis te, quis nunc vellere conditus*  
*Nobis restituet dies?*  
*Qui desiderio perpetue nunc tui,*  
*Heu quæ non facimus vota? quibus sacros*

*Postes muneribus cingere parcimus?  
Quas non concipimus precess?  
O saltem interea, quicquid agis, memor  
Nostrī viue ita te curribus aureis  
Rumor per liquidum gemmeus aëra,  
Spectandum populis vehat.*

Ad Nicolaum Denifotum  
Comitem Alsinoum.

**B**acchus poëtas & facit, & fouet  
Bacchus poëtarum ingenia excitat:  
Bacchus nouem præstat puellis,  
Et melior, potiorque Phœbo est.

Ter terna quisquis pocula sumpserit  
Dulcis Falerni, sentiet hic sibi  
Calere diuino furore  
Carmina ad eiicienda mentem.

Sic letus olim vixit Anacreon  
Cinctus virenti tempora pampino,  
Sic Ennius semper madenti  
Guttura carmina funditabat.

Algentis at quos potus aquæ iuuat,  
Frigent eorum carmina, nec ferunt  
Ætatem. Ades, mecumque plenis  
Hic cyathis, Nicolæ, certa.  
Miranda seris carmina posteris

*Vterque loto gutture concinet.*

*O dulce tormentum, ô grauatis*

*Certa quies animis Lyæe!*

*Quænam imperiti, pocula quærimus*

*Vocalis vnde? quod bifidi duplex*

*Montis cacumen somniamus?*

*Quam perimus, fatui, Hippocrenen?*

*Hæc Hippocrene est: unicus hic liquor*

*Vates stupendos efficere eualeat.*

*En, par pari gratus repende:*

*Hoc ego te cyatho saluto.*

### Ad Ianum Tilium Paræneticon.

**M**odus tenellis quis tibi ab vnguibus  
Vitæ tenendus, Iane, sit, accipe,  
Benigna quem Natura finxit  
Ingenio puerum sequaci.

Primum ergo amorem numinis intimo  
Serua usque fixum pectore, & illius  
Ad iussa te compone: nulla est  
Sors nocitura deum colenti.

Fac &, parentes sis pius in tuos,  
Honore & illos promerito colas:  
Impunè nunquam spreuit ullus,

*A quibus ortus erat, parentes.*

*Fas & magistris, sint licet asperi  
Nonnunquam, honorem reddere debitum.*

*Siquando te obiurgent, id illos,  
Te quod ament, facere arbitrator.*

*Nam primula ætas innumeris rapi  
Affectionum turbinibus solet:  
Frænari eam quare & magistri  
Assiduo imperio necesse est.*

*Nil turpe factu dicere fas putat:  
Quæ quisque gaudet dicere, eis quoque  
Gaudere patrandis putatur.  
Indicium sua cuique lingua est.*

*Disce &, sodales quos tibi debeas  
Parare: nam omnes consimiles ferè  
Euadere illis assolemus,  
Quecum agimus: neque pestilenti  
Siquis frequenter vixerit in domo,  
Nec si in malorum cœtibus, ut sibi  
Contagio nil obfit, unquam  
Arte cauere valebit illa.*

*Vide ergo ut illos, Iane, pares tibi,  
Quæs effe te olim consimilem voles:  
At immodestos quos videbis,  
Et cane perius, & angue vita.*

*Laborem amato, dum iuuenis viges,*

*Vt ocieris, cum senium premet:  
 Laboris osores nec vlla  
 Laus sequitur, neque splendor vllus  
 Hec si sub imo pectore clauseris  
 Præcepta, Tili, spes bona nos tenet,  
 Tuis, fore, vt maioribus te  
 Persimilem videamus olim.*

MARCI ANTONII MURETI  
 IVVENILIUM FINIS.





)